



服部文庫
持 17
1924
8



雅尚齋遵生八牋卷之十八

古杭高濂深甫氏編次

靈秘丹藥牋

下卷

治痰症方

秘傳紫府青津丸

治虛實痰火神方

用女真實四兩用芩連水浸一夜次日蒸晒如法三遍

白石膏 四兩煨過研細用嫩桑葉四五斤煎



117192408

汁取淨汁一碗煮乾再用紫蘇四兩荆芥
一兩煎清汁再待乾聽用

知母 四兩淨咀片分四處人乳童便青鹽拌
潤過一宿生用一分俱微火炒

黃柏 四兩淨照前四製如法

白苟藥 一兩用桑皮煎水煮乾聽用

貝母 二兩薑礬水煮乾聽用

杏仁 二兩去皮尖青鹽水煮乾聽用

天門冬 二兩去心切細微火炒乾

麥門冬 二兩去心微火焙乾

人參 一兩切大片用好酒拌潤一宿取白酒
麴末炒熱下人參微炒乾聽用去麴

茯神 二兩去皮心人乳拌潤一夜次日火焙
乾聽用

黃耆 一兩切片蜜水拌潤一宿炒乾

糖球肉 五錢去參耆之滯膩

當歸 一兩酒洗晒乾切片酒拌潤一宿炒用

陳皮 一兩去白炒用

百合 二兩薑湯泡過焙乾聽用

右共十六味各製精微分兩和一處再焙大燥為極細末取梨汁半斤煉蜜一斤為丸如桐子大每服三錢早晚白滾湯送下制伏相火滋養真陰津潤肺腑上降心火下生腎水清熱化痰火降水昇令人無病矣

論痰治法

經曰百病皆生於痰痰之本水也原於腎痰之動濕也主於脾脾主濕每惡濕濕生痰寒又生

濕故古人用二陳湯為治痰通藥其中半夏味辛燥濕以齊地者良若不製以為麩恐其太燥若製麩無法亦鮮奏功凡治痰病必須製麩具

法于後

齊半夏即山東所產大箇麻點半夏也

半夏麩法

每用齊半夏選極大者一斤水浸二三日以透心去灰為度用生薑自然汁一茶盞同煨白礬四兩煎化將半夏為粗末拌勻晒乾聽用治風痰用猪牙皂角半斤水四碗煎二碗

治脾胃濕痰及火痰用竹瀝或荆瀝拌

治老痰膠痰諸藥不効者用霞天膏一碗先拌

半夏晒乾後入竹瀝為麩霞天膏方具后福

右俱用楮葉紙封如造酒麩法置簷風處

清氣滌痰丸

健脾胃化痰涎寬胸膈進飲食

半夏麩 照前法隨症用一斤

牛膽南星十兩 橘紅 查肉 瓜蒌仁去油

枳實 蘿蔔子炒 茯苓 白朮

黃連各八兩 香附 用青鹽二兩水浸炒

枯黃芩微炒 甘草 真紫蘇子各六兩

好沉香二兩 白芥子三兩

右為細末竹瀝為丸如梧桐子大每服一錢五分食遠或臨睡服

老痰加天門冬肉四兩 青礞石二兩硝煨

若陰虛火盛當滋陰降火為主兼服前藥

霞天膏方

此倒倉法遺意也用此製半夏麩或入丸藥中

十八卷
能令老痰自大便出且不損元氣不傷脾胃凡
治膠結老痰非此不効

黃牯牛肉用純黃無病肥澤一二歲者淨腿肉
十二斤切指頂大用長流水以大銅鍋煮之旋
加沸湯常令水淹肉五六寸掠去浮沫煮肉爛
如泥去渣將肉汁以細布灑入小銅鍋內用桑
柴文武火候不住手攪如稀糖滴水不散色如
琥珀爲度每肉十二斤可取膏一斤磁罐盛之
冬月製用

白玉丹 專治久咳嗽

天花粉一斤用清水浸洗刮去粗皮切片曬乾
磨細末篩過極細末將絹袋盛用清水中洗出
漿出渣澄清換水如此五七遍去苦晒乾取十
二兩用河南真藁豈粉水漂三五次晒乾取四
兩二味共一斤用蘇州薄荷葉一斤入瓶內層
層間隔封瓶口入鍋內隔水煮三炷香爲度取
起冷定開瓶篩去葉留粉聽配

白檀香

白石英

白礪砂

各五錢

白豆蔻

玄明粉 各一兩
白石膏 二兩煨
柿霜 三兩

白糖霜 八兩

共為細末和前粉一處入瓶每次取二匙噙化
消止痰咳開胃滋陰降火醒酒清心明目解渴
大有神效

法製清金丹

治痰火咳嗽生津止渴消食順氣調中用廣陳
皮揀紅者淨米泔水洗畧去白剉大片晒乾一
升先用枳殼四兩去穰淨用水六碗浸一宿煎

濃汁二碗拌橘皮浸透一夜次日蒸透晒乾
二次用甘草三兩去皮照前煎湯浸蒸晒乾
三次用款冬花去蘆梗淨四兩用水照前煎浸
蒸晒

四次用桔梗去蘆淨四兩用水照上浸一夜濃
煎汁二碗去渣加白礪砂玄明粉青鹽各四錢
入汁化開照前拌酒浸一夜蒸透晒乾
五次用竹瀝浸拌照前蒸晒
六次用梨汁浸拌照前蒸晒

七次用薑汁蘿蔔汁浸拌照前蒸晒

加沉香 三錢

檀香 三錢

山杏米 一兩

百藥煎 一兩

細茶 一兩

烏梅肉 一兩

白礪砂 五錢

五味 五錢

人參 一兩

天花粉 一兩

薄荷葉 一兩

半夏 一兩薑汁炒

共為細末加白糖霜十兩煉熟蜜十兩和勻入白搗千杵印成餅臨卧或有痰火涎嗽時含嚥大能降火清氣化痰止咳消食寬中

造百藥煎法

五倍子不俱多少敲如豆瓣大揀淨用白酒糟拌勻置煖處候發過不澁味酸為度晒乾研末聽用

神化丹

馬兜苓

水芹菜

旋復花

醬瓣菜

各半斤

俱生活用

薄荷

八兩

五倍子

五兩

右將六味搗末成餅安七日白毛出了又採生的四樣搗爛絞汁拌前餅子又搗千餘下如此四十九次方用半分入舌上閉口嚼化神効

太極霜

用黑鉛打作二三分厚片成圓毬盒子兩半箇
錐作一毬用童男童女尿浸一百日久浸不妨
用時將毬切開鉛毬內白霜刮下每服二三分
其痰立下如試以霜加吐出痰上痰化成水為
驗

治痰快氣消膈食神方

用山東半夏 一斤洗
早角 一斤切碎
白礬 一斤
南星 一斤去皮
生薑 一斤

五味用水煮至南星心內無白點為度去皂角
不用將薑切碎同南星半夏曬乾或用火焙每
味淨一斤配後藥

青皮 去穰 陳皮 去白

蘿蔔子 炒另研

蘇子 炒 神麴 炒

香附子 薑汁煮去毛

麥牙 炒 乾葛

杏仁 去皮尖另研

山查 已上各半斤

右與前藥三味三斤一處研為細末以生薑白
然汁浸蒸餅為丸如桐子大每服五六十丸臨

睡茶酒服

頑痰不化方

用石膏一兩石碌半兩俱研絕細末水飛二物以餅糊爲丸每服十九丸溫湯下吐痰一二碗不妨

九煉玄明粉法

將玄明粉煉出再加梨汁煮一次童男童女便煮一次甘草煮一次海粉煮一次藕汁煮一次生半夏搗汁煮一次連前一次共九煉也消痰

神藥

神水方

用出山鉛打片十斤作二十片如法懸缸上下鍋用好酒好醋各十斤燻蒸取氣水服一二匙治痰神妙

取水法

用上下一缸合封上缸吊鉛片下缸貯酒醋用柴火煨十二炷香中用一磁盤架托鉛片收鉛上滴水用之是法

痰中欲絕吹鼻散

用大茶子一顆糯米七粒共為細末以此少吹入鼻中吐出稠痰數碗病者即醒

眼目症方

女真膏

用點遠近爛眩風翳癢眼絕妙

黃連 黃芩 黃柏 黃芪 連翹 薄荷

山梔 山豆根 各一兩

用冬青葉一籃清水洗淨

菊花 千里光花 蜜蒙花

用常流水同前藥一處煎濃汁去渣再熬下

白蜜少許成膏聽配

蘆甘石 二黃煨過為細末以水飛五七次

淨末一兩

大硃砂 熊胆 血結各五厘 乳香 沒藥各一分

珍珠 琥珀 牛黃 冰片 麝各一字

硼砂三分 石礬一錢 蜜煨 胡黃連一錢五分

白丁香一分

共為細末投入膏內攪勻入罐塞口每用銀簪
脚挑藥些少點眼兩皆一日三次神効

千金秘授保睛丸

治遠年近日風眼羞明白花生翳疼痛黑花蟹
睛珠破齧肉扳睛赤腫倒睫拳毛眩爛痒澁打
傷小兒痘疹入眼迎風冷熱淚下瘀血貫七
十二症無不治之能補腎治肝去風散血順氣
除昏升降水火祛內外障

羚羊角 二兩五錢 烏犀 一兩 白珠 二兩

鹿茸 二兩酒浸焙 海蛤 二兩煨 人參 三兩

天竺黃 二兩五錢 陳皮 三兩 菖蒲 三兩

茯苓 四兩去筋 當歸 二兩 琥珀 二兩

雲母石 一兩六錢 石膏 二兩 秦皮 一兩

芍藥 四兩浸酒一 沉香 一兩 扁豆 四兩

蒼朮 三兩酒浸麩 細茶 四兩 菊花 三兩

天門冬 二兩五錢 生地 八兩 川芎 三兩

麥門冬 五兩去心 地膚子 二兩 石斛 三兩

巴戟 三兩去心酒 熟地 八兩 井泉石 一兩

柴胡 二兩五錢 車前子 二兩 兔絲子 三兩

肉苁蓉 三兩酒浸 龍胆草 二兩 木香 二兩半

細辛 二兩五錢 草决明 二兩 薏苡仁 五錢

掩間子 二兩五錢 五味子 二兩 黃連 三兩

遠志 二兩五錢去心 蒼耳子 三兩 防風 二兩

黃芪 二兩五錢 澤瀉 二兩 玄參 二兩

白蒺藜 二兩去刺 牛蒡子 二兩 砂仁 二兩

木通 二兩五錢炒 香附子 二兩 連喬 二兩

仙靈皮 一兩五錢 谷精草 三兩 旋復花 二兩

知母 一兩五錢 歲靈仙 二兩 桔梗 二兩

黃芩 三兩酒炒 山茱萸 六兩 枳實 二兩

麻黃 一兩五錢 酸棗仁 五錢 牡荊 三兩

款冬花 二兩五錢炒 秦椒 二兩 訶子 二兩

木賊 二兩酒浸炒 蒲黃 一兩五錢 山藥 八兩

側柏葉 二兩五錢焙 枸杞 六兩酒 蜜蒙花 六兩

夏枯草 二兩五錢炒 蔓荊子 二兩 葶藶子 二兩

石决明 四兩煨 麩仁 二兩去油 青箱子 一兩

黃柏 八兩鹽酒炒 牛膝 二兩酒 甘草 二兩五錢炒

百部

二兩五錢 去蒂炒

山冬青子

二兩

豈菘

一兩 五錢

右為末煉蜜為丸每丸一錢五分外用辰砂為衣藥計共八十八味

去瘴翳米泔水溫服

睛暗青盲當歸湯下

氣瘴赤腫木香湯下

血虛昏暗已下七十二症俱薄荷湯下

小兒痘子入眼谷精草湯下

明目補養四神丸

用甘州枸杞四斤分為四分好酒洗淨

一斤用川椒四兩同炒去椒不用

一斤生芝蔴四兩同炒芝蔴不用

一斤小茴香四兩同炒茴香不用

一斤好薄荷四兩同炒薄荷不用

炒過放地上出火氣加生地黃熟地黃白茯苓白木菊花各四兩煉蜜為丸如桐子大每服五六十丸無灰酒或鹽湯俱可下

秘傳煎藥加減妙方

用當歸

川芎

柴胡

枳殼

羌活

獨活

前胡 桔梗 黃連 甘草 甘菊 薄荷

水二碗煎服加燈心三十根外有加减法附

有淚多加 獨活 薄荷

內痒加 防風 荆芥

血貫加 青箱子 草决明

有翳加 木賊 蟬蛻 石决明火白蒺藜

春間發加 龍胆草 生地黄

眼痛頭疼加 黃芩酒 蔓荆子

胃火加 石膏

神妙膏

用甘草 羌活 細辛 黃連 貝母 菊花

當歸 枳壳 大黃 白芷 生地 防風

荆芥 木賊 黃芩 川芎 蒼朮 猪苓

澤瀉 白木 薄荷 桔梗 石斛

赤芍藥 蔓荆子 草决明 牛蒡子

青箱子 鬼絲子 車前子 夏枯草

地骨皮

將羊肝蘆甘石四兩用一袋盛了用前三十二

味藥入水煮三晝夜次取起去藥將石入乳汁
浸之又用磁器上蓋一碗打火半炷香恐亦不
必止用石細研如麵

用點火眼

煉就蘆甘石一兩入熊胆三分冰片二分硃砂
三分點之

點雲翳眼

煉就蘆甘石一兩入硼砂一錢胆礬五分海螵
蛸一分檳榔一分鷹糞二分同研點之

點扳睛胬肉

煉就蘆甘石一兩加硼砂二錢胆礬五分海螵
蛸二分真珠二分琥珀二分麻雀糞二分冰
片一分辰砂二分檳榔二分點之

洗眼方

一以桑灰調熱湯澄清洗之
一方立冬日採桑葉一百二十片每遇後開日
期用桑煎湯不常洗之如閏月之年先年多採
十片照前月日期洗之洗眼之日須忌葷酒齋

戒神妙

正月初五日 二月初一日 三月初五日

四月初八日 五月初五日 六月初七日

七月初八日 八月初八日 九月三十日

十月初十日 十一月初十日 十二月初一日

魏斗蓬點眼方 掃霞散

用蘆甘石一兩銷銀確打火以童便淬七次燒

七次以確盛埋入土出火毒九日

石燕子三錢以醋淬七次同上埋法

礶砂一錢乳汁製

礶砂 三錢 飛丹 五錢 黃連 三錢 乳香 三錢

沒藥 三錢 熊膽 二錢 冰片 六分 麝香 六分

石蟹 二錢 珍珠 三錢 珊瑚 三錢 血結 二錢

歸鬚 三錢 輕粉 二錢 白丁香 二錢

共十八味如要去翳加 磁砂 五分 海螵蛸 五分

吹鼻六聖散

川芎 雄黃 石膏 乳香 沒藥 各二錢

盆硝 五錢

共為細末更治赤眼冷淚頭瘋耳中疼痒鼻塞
聲重牙疼口先含水用管吹藥一二分入鼻吐
水半晌即愈

瘋症方

青金錠

治男女中風痰厥牙關緊急不得口問難以進
藥并雙鵝喉閉不能言者小兒驚風痰迷不省
將此藥一錠取井花凉水磨化用綿紙蘸藥汁
滴入鼻孔進喉內痰响取出風痰一刻得生見

効如神百發百中

玄胡索 三錢 麝香 一分 青黛 六厘

牙皂 十四枚 火煨

共研極細末青水調做錠重五分陰乾聽用

金彈子

治諸瘋左癱右瘓手足頑麻半身不遂口眼歪
斜寒濕筋骨疼痛偏墜疝氣等症

天麻 升麻 草烏 防風 荆芥 石斛
細辛 半夏 白芷 羌活 甘草 秦艽

川芎 蒼木 疆蚕 蟬退 全蝎 蜂房

烏藥 當歸 風藤 乳香 沒藥 硃砂

雄黃 金銀花 兩頭尖 何首烏

石菖蒲 各五錢 木香 三錢 麝香 一錢

共為細末聽用麻黃去節二斤紫背浮萍八兩
其用水煎濃去渣再熬膏和勻為丸圓眼大金
箔為衣每服一九葱薑煎酒送下

神秘浸酒方

治左癱右瘓半身不遂口眼歪斜一切諸瘋疼

痛不可忍者治之如神

何首烏 一兩 石菖蒲 一兩 生地黃 七錢

明天麻 七錢 白附子 五錢 白茯苓 五錢

蒼耳子 一兩 炒 五靈芝 五錢 牛膝 七錢

天南星 七錢 薑 二蚕沙 五錢 當歸 七錢

蒼木 五錢 米泔 半夏 七錢 薑 紅花 五錢

光草烏末 五分 陳皮 五錢 去 防風 五錢

漢防已 五錢 芍藥 五錢 甘草 三錢

黃栢 五錢 木瓜 七錢 川芎 五錢

桑樹上絡藤

一兩

右吹咀以布袋盛懸入罈內無灰好酒一斗瓶口封固重湯水煮五炷香不拘時服飲醅為妙

金刀如聖散

治男婦諸瘋癱瘓半身不遂口眼歪斜腰膝痛手足麻頑言澁步艱遍身瘡癬疥癩上攻頭目耳內蟬鳴痰涎膚痒偏正頭風不問新舊及破傷風脚跟反張蛇犬咬傷金瘡濕瘡並宜服之

石斛

一兩

川烏

草烏

蒼木

各四兩

甘草

三兩

人參

五錢

荆芥

何首烏

川芎

白芷

細辛

當歸

防風

麻黃

全蝎

大麻

藁本

各五錢

兩頭尖

一錢

右為細末每服五分或一錢臨睡酒調服不可多飲酒忌一切發風熱物覺身麻痒是藥之効也

追風逐濕遇仙膏

治風濕骨節疼痛或痰核瘰癧皮膚麻木燥痒一切風疾等症神効

薺蒼草 海風藤 大半夏 草麻子

麻黃 川烏 草烏 南星

羌活 桂枝各四兩 獨活 細辛

玄參 當歸 荆芥 金銀花各二兩

以上用真香油七斤葱汁生薑汁各二碗半共酒浸前藥一宿用銅鍋文武火熬煎藥色不易黑必待滴油色黑去渣每藥油一斤下飛過好丹九兩候成膏再加白水煮過松香一斤黃蠟一斤化攪勻氣溫方入 沒藥 乳香 木香

輕粉 胡椒各四兩 白芥子 一斤

五味研為細末入膏內如牙疼不用輕粉每膏一斤入蟾酥五錢厚紙段絹攤貼肉痒出冷汗方去

活絡丹

治瘋濕諸痺肩臂腰膝筋骨疼痛口眼喎斜半身不遂行步艱難筋脉拘攣一切風疾能清心明目寬膈宣通氣血年過四十當預服十數丸至老不生瘋疾年過六十者不宜服之

白花蛇

二兩酒浸焙

烏梢蛇

五錢酒浸焙

細辛

二兩

全蝎

十枚去尾尖

麻黄

二兩去節

川芎

二兩

血結

七錢五分研細

兩頭尖

二兩酒洗

沒藥

一兩

防風

二兩五錢

地龍

五錢去土

丁香

五錢

赤芍藥

一兩

葛根

一兩五錢

犀角

五錢

硃砂

一兩研細

白蠟

一兩炒

玄參

一兩

草薺冠

二兩

牛黄

二錢五分

官桂

二兩

虎脛骨

一兩酥炙

威靈仙

一兩五錢

藿香

二兩

黑附子

皮炮

川羌活

二兩

白芷

二兩

敗龜板

一兩酥炙

當歸

一兩五錢

熟地

二兩

何首烏

二兩

安息香

一兩

青皮

一兩

天竺黃

一兩

麝香

五錢另

人參

一兩

冰片

一錢五分另

乳香

一兩另

天麻

二兩

甘草

二兩炙

骨碎補

一兩

黃連

一兩

白豆仁

一兩

烏藥

一兩

香附

一兩

茯苓

一兩

黃芩

二兩

松香

五錢

白木

一兩

大黃

一兩

木香

一兩

沉香

一兩

十八卷

靈心子集下

右為細末煉蜜為丸如彈大金箔為衣每服一
丸茶酒服之病在上食後服病在下食前服以
四物湯服之尤妙

定瘋丸

治半身不遂日夜疼痛不絕聲者

川烏 附子 草烏 俱生薑煮過用一兩
五錢 川椒一兩

共為細末酒糊為丸菘豆大每服九九不可多
服日進三次空心酒吃

驪龍珠

治瘋中百症

白花蛇 五錢酥 油炙 番木鱉 一個酥 炙 半夏 一錢 五分

虎脛骨 一兩酥 炙 麻黃 三錢去節 乳香 三錢

寒水石 四兩鹽泥 固火煨紅 孩兒茶 一錢 五分 沒藥 三錢

酒糊為丸彈子大放鉛盒內起白毛取出指毛
遇患將一丸燈上燒烟起為末好酒送下大汗
如雨不可見風汗乾即愈

妙應膏

用肉桂 軍姜 川烏 草烏 羌活 獨活

南星 當歸 白芷 赤芍藥 白附子

紫荆皮 石菖蒲 各一兩

已上十四味用永二十碗煎至十碗留起渣再煎用水十碗至三碗去渣將汁共熬成膏次將透明松香二斤搗碎篩過再用薑汁葱汁蒜汁米醋好酒各一碗將松香攪入鍋內成絲後下藥汁膏慢火熬如琥珀樣又將油二斤另熬土木鼈草麻子巴豆淨肉各二兩煎至黑色待冷

將渣研碎入油內再煎滴水成珠下飛丹八兩將熬松香膏傾入攪勻煎至黑色即起少溫下乳沒各四兩牙皂末三兩片腦二錢磁器內收貯水浸去毒貼痞攤膏時加阿魏麝香少許餘不用

勝金丹

用硃砂 三兩 研 雌黃 一兩 五錢 硫黃 五錢

二黃研如泥用桑柴灰淋汁於鍋中投二黃化鎔入硃末同熬化攪勻再入灰汁旋添旋煑三

十八卷
雷秘丹
日三夜藥在鍋內有泣聲刮起取藥入鐵鼎內以文武火逼乾陰氣方加鼎楔鹽泥固濟如法用炭火三十斤煨至火剩三四斤即止待冷開看藥成一片在底鑿取如白銀研如粉用甘草餘甘子二味同藥砂鍋內煮一日出火毒取起研用米飯為丸如菜菔大每日空心冷椒湯服三丸至五丸止治一切風疾半身不遂口不收斂身轉不得服五錢即愈忌羊血

寒症方

此為槩方若感寒求汗用之否不可執

通真救苦丹

專治傷寒表裏內外虛實及變候汁妙方

當歸

赤芍藥

各二兩

甘草

小黃

各四兩去節

春夏加石膏

五錢煨

秋冬加官桂

五錢

共為極細末用熱酒浸三日用細絹袋濾去渣再二三遍瀝為度陰乾聽配 硃砂 雄黃 各五錢用水飛過二三次共和勻醋糊為丸芡實大急用一丸加雄黃末五分涼水送下看燃香有一寸餘出汗為度

如喉乾霍亂症服一九神効如毒蛇虫所傷服
一九再將一九爲末塗傷處

避瘟疫冷飲子

出道藏經

用茴香

三分夏用根冬用子

遠志

三分去心

附子

兩顆炮

桑螵蛸

二十枚炙

澤瀉

二分

草解

二分

茯苓

三分

共羅爲末分作二貼大羊腎一具去脂膜用水
一碗半煎露一宿空心冷服每季吃四帖能辟
瘟疫時災兼補下元

合掌膏

治急症傷寒不省人事者不消服藥

川烏

草烏

斑毛

巴豆

細辛

胡椒

明礬

乾薑

麻黃

各等分共爲細末每一次用三錢好醋一匙打
糊爲丸核桃大安在患人手心兩手合扎緊夾
在腿檔內以被蓋暖出汗爲度如醒去藥就用
黃泥水洗手

癆症方

御溝金水方

治男女燒骨癆乾血癆童子癆晝夜不退熱至
緊不肯服藥者此水不比尋常真有斬將奪旗
之功

用黃篋蘿八箇要二尺高取山上無垢淨泥黃
土裝八箇籬內磁鉢八箇盛住取童便七桶傾
入七籬土內淋下上以井花水催下共傾在一
籬土內如淋少再用青水催前七籬淋下水又
加上一籬內待他一夜淨淋下水三五碗以磁

瓶盛住外以井水養之但遇此症待口中作濕
要茶湯吃之時將此水半盃服之即安至重不
消三次即愈

龍香犀角丸

治吐血癆症

熟地黄

兩酒浸
搗極細

生地黄

一兩酒
浸

山藥

一兩

天門冬

一兩去心

麥門冬

一兩去心

犀角

一兩

真京墨

一兩煨存

牡丹皮

一兩

五味子

一兩

鱉甲

一兩酒製

胡黃連

一兩

右為細末煉蜜為丸如桐子大每服七十九空心白滾湯送下

止嗽瓊珠膏

用粟壳

三兩去蓋筋穢

桑皮 七錢

貝母 八錢

五味

五錢

玄參

七錢

薄荷

五錢

陳皮

六錢

桔梗

六錢

甘草

四錢

右為極細末煉蜜為丸如彈子大每服一丸臨睡白滾湯下

乳升丹

治女人虛癆

香附

一斤童便浸炒黃色

當歸

一兩五錢酒洗

紅花

一兩

川芎

一兩五錢酒洗

三稜

一兩醋炒

生地

二兩

白芍藥

一兩五錢

牡丹皮

二兩

蘄艾

四兩

草豆仁

一兩麩皮炒

玄胡索

一兩五錢

枳壳

二兩

青皮

一兩麩皮炒

山查肉

四兩炒

烏藥

二兩炒

紫蘇子

一兩五錢

蘿蔔子

二兩炒

蓬朮

一兩醋炒

熟地

二兩酒二碗熬膏

砂仁

一兩五錢炒

共為細末醋糊為丸每服二錢艾醋湯不拘時

服

蒸臍秘妙方

治五勞七傷諸虛百損萬病脫除

麝香 五錢 丁香 三錢 青鹽 四錢 乳香 二錢

木香 二錢 雄黃 三錢 五靈脂 五錢 小茴香 四錢

沒藥 虎骨 蛇骨 龍骨

硃砂 各五錢 人參 大附子 胡椒 各七錢

白附子 五錢 夜明砂 五錢透肺補不足

右藥十八味為末聽用次要蘄艾作灸壯槐皮

一片如大錢蓋藥面取其不走藥味每用看人

臍孔深淺先將麝香填一二厘入臍中次將藥

填實上用蕎麥麵和勻作箍照臍眼少大圈轉

按實在臍四圍再將藥填其中令滿着實次用

銀簪脚插臍中藥上數孔次蓋槐皮皮上以艾

壯灸燒至一百二十壯為止渾身熱汗百病皆

散矣如汗不出再灸灸後保養月餘不見風寒

油膩生冷一月一年四次蒸臍百病消除久嗽

久喘吐血寒勞遺精白濁陽事不起下元冷弱

痰火等疾婦人赤白帶下久無子嗣俱可灸只不用射香為妙此仙方也

噎膈症方

鶴肝丹

治番胃膈食每用老鶴鳥一隻用肝膈二件即

中肝與胃也切作薄片新瓦上焙燥不可焦了為末

將老黃米煮粥和丸如桐子大每服七丸不効加十四丸至廿一九不効者胃絕矣不必再醫

回生散

治隔食隔氣神方

急性子 一兩 同礶砂 三分水 二鍾煮乾聽用

硃砂 五錢 雄黃 五錢 礶砂 三錢 沉香 三錢

木香 五錢 丁香 三錢 麝香 一錢

右各為極細末每服三分火酒送下立効

虎肚散

厚朴 薑炒 二遍 陳皮 各二兩 茯苓 甘草 灸

人參 各一兩 蒼朮 米泔水浸炒換 虎肚

肚灰與藥對配灸虎肚有法用新瓦兩片合肚

固定兩頭火不可猛逼如銀色不可焦了入藥

再生丹

治番胃吐食膈氣痰火如神

急性子 五錢 知母 五錢 硼砂 五錢 枯礬 二錢

五靈脂 三錢 雄黃 一錢 木香 三錢 硃砂 二分

麝金 二錢五分 青鹽 一錢 麝香 一錢

古石灰 五錢黃色炒

取十二月初八日或十二月內可收黃牛胆一斤前藥共為細末將胆汁拌成不乾不濕如鼠

糞樣裝入胆內陰乾聽用如患者不拘男女每服一分二釐止燒酒送下若遇痰火蜜水調服

瀉痢症方

開板丹

用巴豆 二十四顆 杏仁 二十四粒 乳香 三錢

沒藥 二錢去盡油

先用飛丹水飛淨六兩好黃蠟二兩溶化入各藥為丸如黃芩大每服一九紅痢甘草湯下白痢薑湯下水瀉米湯下

治赤白痢仙方

五月五日取黃鱔數斤將燒酒洗濕穿尾吊起
晒乾候取黃麻頭蓮房壳二物晒乾為末聽用
每用鱔末一錢麻末五分對配大人吃一錢小
者七八分酒下

治噤口痢三方

用山藥

薏苡仁

石蓮子

右二味為末白湯調三五服即思食愈

又方

加蓮肉亦可

又一方

人虛用此方

人參 三錢

黃連 三錢

蓮肉 三錢

共為末煎服

痔漏症方

八仙聚會丹

八方

一薰洗方

用五味

朴硝

枳壳

白芷

水楊柳根

陳皮

細辛

黃柏

黃連

各五錢

石用水七碗煎至六碗盛罈內以痔坐罈口着
寶薰之待湯溫洗患處 後吃二方

二敗毒散

川當歸 芍藥 川芎 甘草 木鼈子

山梔 連翹 熟地 防風 金銀花

荆芥 陳皮 枳壳 全蝎 穿山甲

殭蚕 蟬蛻 阜角子 各一錢 朴硝

蜈蚣 一條去頭 大黃 各三錢

水二鍾煎一鍾空心服少下瀉糞則効

三搽藥

用白礬 一兩 嘻兒白衣 十六箇

右二味共飛過為細末搽之 飛過煨成枯礬喜衣成炭

四油藥

用酥合油 五分 熊胆 五分

頭生鷄子三個用清煎成油三味勻和敷之

五藥水

用片腦 一分 朴硝 五分 熊胆 三分

橄欖核 燒成炭 五錢 蝟牛環肉 十餘箇

右搗爛同前藥入磁罐內以水澆上滿罐浸一宿取去水以藥敷痔五方同用無不斷根者至妙至妙

六治外痔

用鄉村食百草鶯殺取胆汁調孩兒茶敷一二次即愈

七治血痔方

用皂莢同本身頭髮燒烟于罈內坐上薰之再用花椒葱葉煎湯洗之即効

八治外痔方

若肛門外有痔礙者用劉寄奴一名九里光取自然汁煎如蜜為度入孩兒茶 苦參 各一錢

輕粉 三分 血結 五分 沒藥 五分

六味作末和前膏內一日三次搽之止痛立消大有神効

治漏四奇方

用蓮花蕊 當歸 五倍子 各一兩 乳香

沒藥 各一錢 黑牽牛 白牽牛 各一兩

土硃

名板兒硃二錢

共為末重者五錢輕者三錢五鼓時用肉汁湯調服再吃好酒一鍾打下虫來或爛肉出來方驗再吃煎藥

枳壳 二錢

黃芪

當歸

川芎

生地 各一錢

條黃芩

槐角

黃連

升麻

各六七分

水煎食遠服

其二

坐收功藥

川皮硝

一斤 明礬

八兩

龍骨

一兩

土硃

五錢

樟腦

五錢

乳香

一兩

沒藥

一兩

血結

五錢

海驃蛸

一兩

以絹袋盛裝將臀坐袋上三炷香即好

其三

丸藥

用蓮花蕊

一錢

龜甲

一錢

珠子

五分

犀角

三錢

羚羊角

二錢

麝香

三分

重者加牛黃

二錢

好酒糊丸好酒吞下二十九忌房事

其四

薰藥

用蟬蛻

姜黃

升麻

蜂房

象牙末

各一兩

木香 乳香 沒藥 血竭 胡黃連 各五錢
皮硝 地骨皮 梧桐皮 各三錢
已上煎湯薰洗

仙螺膏

治痔痛臟毒成三五孔出水方

用廣膠一兩入乾葛一錢炒成黃珠為末空心
熱酒服二錢止血如有膿用管伸一兩火酒
浸炒為末 扶神一兩為末

右為末空心熱酒服二錢有孔用蟬蛻白芷搗

爛將孔塞滿再用大田螺一箇入片腦一分即
化為水用鷺毛搽瘡口即收再用搽藥

搽藥方

用珠子一分入豆腐內紙包火煨為末

冰片五厘 象牙末五分 血結五分 乳香五分

沒藥五分 海螵蛸去壳五分 龍骨火煨尿浸五分

輕粉三分 定粉火煨黃五分

共為末乾搽立効

少陽丸 治痔漏

用童子血餘灰

即髮燒灰

新鹿角灰

敗龜板灰

各二兩

蟬蛻

酒洗淨一兩

乳香

沒藥

各五錢

共為細末黃蠟二兩五錢白蠟五錢二味勻溶和為丸菜豆大每服三十九酒下

癰疽癰毒症方

化毒消腫方

治諸惡瘡發背疔腫等症

明乳香

三錢

椿根白皮

五錢

芝蔴

一錢

右為末水二鍾煎三五滾熱服被擁汗出即解

牙消散

用狗大牙炒焦黑研為末先將葱煎湯洗瘡用炒牙末摻上能治發背如神真秘方也

千金內托裏散

用當歸

連翹

各一錢五分

赤芍藥

白芷

川芎

羌活

黃連

各一錢

甘草

五分

皂角

用刺

桔梗

川山甲

火煨一錢

人參

官桂

各七分

太醫欲去後二味即無効矣

水二鍾加酒一碗煎分上下服之

飛龍奪命丹

用蟾酥

二錢 酒化

血結

一錢

乳香

二錢

沒藥

二錢

雄黃

三錢

輕粉

五分

膽礬

一錢

麝香

五分

銅綠

二錢

寒水石

一錢

硃砂

一錢 為衣

冰片

三分 有無俱可

蝸牛

二十筒

天龍一條即蜈蚣去頭足金黃頭黃肚黑背

肥壯為雄者用其細者紅頭白肚為雌不用

右為末將蝸牛研為丸如菉豆大蝸牛少不殼

和藥以酒打糊為丸每服二丸將葱白日內嚼

爛吐手心內包藥二丸用熱老酒吞下以衣被

蓋煖睡一二箇時辰再吃熱酒盡醉藥力發執

汗出即愈如未好時可再服二丸

籬藥方

用黃狗下頷一副

燒灰存性二兩

蚕豆末

一兩

白歛

一兩

右三味合為末以米醋調勻塗瘡留頂初發者消已發者黃水流盡即愈其愈後仍須服中流一壺方庶免後患方亦秘傳神驗也

又方

用川烏 黃栢

等分爲末猪胆調圍四週止留中一空出氣

又方

用當歸 黃栢 羌活

等分爲細末瘡初起將鷺鷥藤搗汁調傅瘡之
四圍自然收小出毒水不可掩了瘡頭恐毒氣
不出爲害也

活命飲

至妙之藥病起當急
飲之即可解也屢驗

治一切癰疽發背腫毒諸惡瘡初起一服即散

已成瘡卽有頂成膿易潰其効不可具述

穿山甲

用蛤粉
炒黃色

甘草節

真沒藥

防風

赤芍藥

香白芷

各六分

天花粉

貝母

皂角刺

各八分

當歸尾

乳香

各錢

陳橘皮

金銀花

須四年陳
者各三錢

以上藥共作一劑用無灰好酒三茶鍾入瓦礮
內煎四五滾取出渣瀝去滓温服藥湯以盡爲
度瘡在腰上食後服瘡在腰下空心服能飲酒
者服藥酒後再飲三兩盃無藥的清酒尤妙最

行藥勢

忍冬丸

忍冬即金銀花一名老翁鬚一名左轉籐開時
摘取花數斤晒乾聽用臨時將晒乾花一斤同
粉草二兩共爲細末無灰酒打麵糊爲丸酒下
八十丸不拘時服每日服三次

如閑常無事摘取金銀花四斤趁濕水洗淨入
石臼中杵爛置大瓦礮內入井花水三碗無灰
酒三碗調稀煎十餘沸藥性出取下生布濾去

渣汁入礮再煎成膏滴水不散又將一斤焙乾
同粉草二兩共爲細末取膏糝入末內以酒打
麵糊和入石臼中杵一二百下丸如菜豆大食
遠酒下八九十九此藥得酒良不飲酒者百沸
湯下

凡人將發癰疽毒半年前或一年前必常常自
覺口乾或作渴思飲茶并水或食已即饑名爲
中消倘有此症後發背必難治療急須每日服
忍冬丸不次如是加念久服可免發背縱不免

必可治療

凡人未發背時不作渴正發背時亦不甚渴及發背得痊後慎勿自謂無恙仍須服忍冬丸每日夜各一次服至百日後覺自身饑飽如常津液不竭方止

七釐散

治五癰

雄黃 一錢

白滑石 三錢 共為細末聽用

巴豆 一錢 去油

杏仁 三錢 去皮尖油 二味槌干下聽用

真輕粉 一錢二分

研細末用人乳和為一丸外用麪皮包入鍋內用甘草水蒸半炷香麪熟取出去麪就熟和前四味槌為丸葡萄子大每服七釐或一分空心薑湯送下二服即愈

治對口神方

用天茄葉帶莖子採來同生薑三片搗爛按瘡上早晚一換三日即愈

天茄即白牽牛也其子無包先青後黑

麥針石圍散

白色麥飯石 二兩

此石如飯團塊子出湖

廣并各名山中用一斤盛鐵器中入大火煨

紅取出陳米醋淬共十次

白歛

一兩去皮洗淨

鹿角灰

四兩

用新帶頂骨角截斷水浸三日每日換水炭火煨紅急取出以物蓋罨成炭為末共搗為末用陳米醋入砂鍋內調勻如稠醬不可太稀用文武火熬以槐枝不住手攪候藥起魚眼泡勿令塵污入磁餅收好入井水頓三五日以出火氣

每用將猪蹄湯洗淨瘡處以抵脚挑膏塗搽處處止留一頭以出毒氣此膏塗之不惟痛痒皆除更生一番快樂但令腐肉落盡膿水并黑子軟瘡內者一一脫盡不留一點是瘡少瘥候方以神異膏貼之歛口太早恐生餘毒要發切宜慎之

神異膏方

用玄參

五錢不見鐵

綿黃芪

三兩

杏仁

一兩去尖

全蛇蛻

五錢鹽水洗焙

男子亂髮

洗淨焙乾五錢

黃丹

一兩

大蜂窠

眼多者佳
淨剉一兩

用真芝麻油一斤同男子亂髮入鍋中慢火熬至髮枯成油方入杏仁候色黑瀝去渣換一銅鍋傾油入內方置玄參黃芪慢火熬一時取起放地上待火氣少緩旋入蜂房蛇蛻將槐枝不住手攪再小火熬至紫黃色去渣待冷又入黃丹又放火上以微火熬不住手攪千餘下候藥油色變滴水成珠方好取起傾入水中三日退火氣入磁瓶收貯此膏火候要緊火大不惟壞

藥恐傷人眼日至緊至緊

爬口蜈蚣方

土中大蝦蟆一箇剝全身癩皮蓋貼瘡口于蟆皮上用針將皮刺數孔以出毒氣癰瘡得此自覺安靜恬愉且能與住瘡口不令長大又可免蜈蚣聞香來侵之患矣神妙神妙

烏鬚髮方

烏鬚內補人仁丸

人參

五錢

砂仁

沉香

木香

槐角子

生地

酒洗

桑椹

熟地

各五錢

山藥

去皮

茯苓

川椒

去目

枸杞

旱蓮草

大茴香

酒洗

甘草

蒼朮

各一兩未泔水浸三日去皮鹽炒用

何首烏

四兩用黑豆拌蒸七次取起首烏先以竹刀切碎去頭用勿見鐵器

右為末煉蜜為丸如桐子大搥酒下忌食蘿蔔

服此藥者不惟鬚髮皆烏其固元保真之妙不

可盡述

猿猴上樹方

取黑牯牛胆一箇入槐子

一兩

五倍子

炒焦去烟一兩

石榴皮

五錢

白礬

一錢

共為細末裝胆內扎口吊起陰乾十四日先將

鉛打一罐將胆內藥物盡傾入罐去胆皮再加

核桃油一小盞桑霜三錢麝香一分攪入胆藥

內封罐重湯煮一炷香取起鬚白用肥阜湯洗

潔以猪脬或鷄食袋油紙包手指蘸藥擦鬚下

半節不必近根自然上去其黑如漆胆用十二

月取者為佳

神妙美髯方

十八卷

靈秘丸藥下

八頁

黑鉛

四兩入硃三錢炒為黑末

五倍子

用好酒炒為黑末

銅末子

用米醋炒七次成黑末二味不向多少聽用

每料用炒鉛

三分

倍子末

一錢

銅末

五分

白礬

一錢五分

銅青

一分

礪砂

一分

訶子

五分

共為細末用酸石榴皮煎水調成膏子如黑漆搽之神妙

口齒症方

定痛散

珍珠末

三分

石膏

一錢

水片

一分

硝石

五分

孩兒茶

即烏丁泥一錢

礪砂

五分

硃砂

五分

右為末擦痛處立止

扁牙汨口方

藜蘆

二錢

枯礬

防風

乾薑

梧桐律

肥油松柴節

白木

甘草

各一錢

細辛

蛇床子

川椒

各二錢蜀府者妙

炒香附

三錢

右為末煎稠汁入酒一杯乘溫煖汨口一二遍立愈

黑鉛丹

十八卷

靈秘丹藥下

四十四

用出山黑鉛一斤將二蚕沙炒成末外加

青鹽六兩 槐角子六兩炒 沒石子四兩

升麻二兩 石膏八兩 香附子四兩炒

先將柳木作槌搗炒鉛砂成灰末加藥六味共

為末鉛合收起每日擦牙烏鬚髮堅齒牙妙用

莫迷擦過須含半晌以酒泔出更妙否則用湯

亦可

神秘擦牙方

旱蓮艸搗汁 何首烏一斤切片黑

青鹽六兩水 北細辛 白芷 各五錢

軟石膏八兩火煨 黑豆一升 桑寄生 四兩

右為末每日侵晨夜晚擦牙黑鬚髮去邪風功

効甚多

擦牙烏金散

葡萄一斤焙 石膏一斤 當歸焙 細辛

沒石子各二兩 甘草 三賴各三兩 白芷四兩

青鹽四兩化開去泥脚入

右為末入磁碓收起每於臨睡擦齒徐徐嚥下

十八卷
方能固齒去風真神藥也

治口瘡牙湧方

白礬一錢 硼砂一錢

研中末子用大紅棗三箇去核裝入火燒烟盡
為炭棗子入藥時以濕紙包好燒過存性為細
末加硃砂五分冰片三分共為末指蘸擦牙存
一二時溫水泊盡吐出堅牙去風除虫定痛
時瘡症方

擦磨膏

用廣中番打馬并包吃檳榔歐葉二物各五錢
碾為細末瘡初起時將末子擦摩手心脚心須
不佳擦之三五日後瘡焦隱去妙不可述

煎藥神方

用土黃連	五錢	穿山甲	一錢	皂角刺	一錢
天花粉	一錢	何首烏	一錢	川芎	一錢五分
白芷	八分	當歸	八分	僵蚕	一錢五分
牛膝	二錢	苦參	一錢	荆芥	一錢
防風	一錢	甘草	五分		

右為末和一處分作十包聽用再取硬飯塊六十兩木臼內搗碎分作十包再用猪腹中胰子五個去油作五次用每次煮一胰子用水四碗煎至二碗分作兩日用
每用硬飯塊一包入砂罐同水五碗煎至二碗去渣入前藥末一包再煎半晌後入猪胰湯一碗煨火熬至三碗作三次空心服藥盡瘡愈更無後患此瘡神方無出于此

治時瘡腫塊方

不可增減服之有驗

當歸鬚

一兩

淮生地

一兩

皂角

四錢

冷餅塊

四十兩

牛膝

一兩

甘草

四錢

分作十帖煎服忌食茶與牛肉

時瘡初發三日褪光方

用豆腐四兩中心開孔入官粉二錢作一盤不用鹽料鍋上蒸熟先將葱頭少煨嚼下後吃蒸熟豆腐完盡量吃燒酒一二杯綿被煖蓋不通一線風處卧出臭汗一身人不可近務令汗出盡為妙如要便溺儘撒床中不妨欲避風耳不

可起倒汗后三日遍身俱光好後疤痕吃酒不紅此亦奇矣有以二十一棗去核每入官粉一分畧蒸食之亦如前妙

時瘡結毒方

牛黃 三分 琥珀 一錢 人中白 印人糞煨 三錢

粉霜 二錢 雄黃 三錢 硃砂 二錢 乳香 三錢

沒藥 三錢 川歸 二錢 槐花 炒一兩 牙皂 灸去皮一錢

白芷 三錢 丁香 春夏一錢 五 分 秋 冬 三 錢 南木香 一錢

右為末酒糊丸如蘿蔔子大初服五丸五日後

加作七丸又五日加作九丸又五日七丸五丸減下用冷飯塊甘草煎湯吞下其消如神

下疳瘡症方

全形散

番木别子 一箇煨 成灰 冰片 二厘

右共為細末搽一二次即愈

紫金散

糞碱 煨過 一錢 血結 一錢 茄皮 燒灰味惡 用五分

右為細末搽上妙甚

青黃散

血結 一錢 雄黃 一錢 銅青 四厘 胆礬 四厘

右為末糝上收水五六日即愈舒伯明驗方妙不可言

疔瘡蛙梗方

此歷驗神方

二蚕繭 燒炭五分出 枯礬 五分 五倍子 一大

孩兒茶 一錢 輕粉 二錢 紅絹 一方圓三寸

右共為末用酸漿水葱白花椒煎湯洗搽神妙無敵

又一方

用黃狗腦蓋骨燒炭為末每兩加雄黃二錢糯米浸水煎花椒湯洗之搽上即愈

三蟲神解散

二蚕綿 燒灰一錢 壁蟾兒窠白衣 燒灰存性一錢

竹蛙末 一錢

共為細末散上妙甚

瘡腫症方

黃龍膏

用騰黃茶摩稀汁專治無名腫毒露頂塗之一
二層立愈

白龍膏

白芨

一兩

五倍子

錢炒五

白欵

三錢

共為末醋調各樣腫症或腿或臂俱可治之

神効赤金錠

焰硝

八兩

黃丹

一兩

阜礬

一兩

雄黃

五分

硃砂

五分

右為細末陸續投於鐵鍋內熬成膏用茶匙挑

在板上成條用之治一切無名腫毒惡瘡初起
水磨塗之

治眼目昏花赤腫火眼點眼兩角即効

治乳蛾喉閉口中噙化五分

治蛇蝎咬傷塗之立止疼痛

治黃水瘡漆瘡絞腸沙急心疼點眼角即愈

治疥背諸毒

老鴉籐枝根搗自然汁用熱酒充服半碗其渣
即按毒上神妙

一方鳥不宿帶枝葉取來搗汁加米醋一小盞先吃蟾酥丸三粒後吃此汁用綿被蓋出汗即愈

愈

鳥不宿樹名枝上有刺

一方廣陳皮用口嚼爛按毒上疼甚疼過即愈

治乳癰方

夜明砂

瓜蒌

炒阿魏

共為末飯和丸酒吞下

治白火痺三方

一方取樟郎虫新瓦上焙乾為末白湯吃一二

箇印効

一方萬年青搗汁服愈 山冬青小葉子搗汁

服之亦妙

一方陳白養頭搗為細末水調敷患處粗楂煎湯洗之妙

龍虎衛生膏

專治一切惡瘡頑癬痔漏多年病久不能料理者以此治之無不効驗

當歸

一兩

黃連

二兩

黃芪

黃芩

枳壳

烏藥

大楓子

各一兩

防風

草烏

各二兩

血餘

二兩

清籐

木通

木别子

苦參

香附子

桑皮

各一兩五錢

先將十六味為粗片入麻油二斤炒焦枯瀝去藥片入後藥

松香

四兩

虎骨

酥炙為末二兩

龍骨

一兩

硃砂

三錢

赤石脂

一斤

蜜陀僧

二兩

已上為細末入油內再加黃蠟三兩入油內攪勻又加乳香沒藥輕粉末各五錢孩兒茶末一

兩再攪慢火熬至滴水成珠為度取起攤膏此之無不神應此乃山東路中老道所傳真至宝也

治肥瘡疔瘡方

伏龍肝

灶心泥也一兩

飛礬

五錢火煨水飛

消風散

一兩合成藥名

共為末油調搽瘡濕糝上即愈

治瘡口久不收斂方

貓頭骨

狗頭骨

右燒灰各等分為末洗淨乾糝即收

日抄客談經驗奇方

有聞隨記多寡不齊不便類聚用者擇之

治血山崩漏方

火漆不拘多少入無油鍋鎔化炒黃黑色黑烟
淨白烟起退火取起研為極細末每服三錢空
心好酒調服即安至重不消三服

內消瘰癧方

用鼠糞

七錢

大楓子

五錢

巴豆

三錢

共搗細入大鯽魚肚內用紙包縛住再用黃泥
固如法煨煉烟淨取出冷定研末米糊為丸

如菘豆大每服二錢空心酒下十日全愈

大金丹

治痰火番膈中風濕痰虛損怯症

牛黃

珍珠

冰片

麝香

犀角

狗寶

羚羊角

孩兒茶

以上各五錢

血結

硃砂

鴉片

各三錢

琥珀

珊瑚

沉香

木香

白檀香

各二錢

金箔

五帖

存一半為衣

共為細末用人乳汁為丸如芡實大金箔為衣
每服一丸不拘時用梨汁送下

紫袍散

治咽喉十八種病症

石青

青黛

硃砂

白礬砂

山豆根

二錢

人中白

煨

胆礬

玄明粉

各五分

冰片

二分

共為細末入確塞口急用二三釐入咽喉即愈

刀瘡藥

用降香節

白松脂

各兩

血結

一錢五分

沒藥

五分

文蛤

五錢炒

共為末掩傷處即愈

麻木藥

用蟾酥

一錢

半夏

鬧羊花

各六分

胡椒

川烏

川楸

各一錢八分

萆撥

二錢

右為末每吃半分好酒下要大開刀加白酒藥

一丸

隔紙膏

治濕毒頑瘡臭爛臙瘡先以葦菜煎湯洗淨患

處

熬化淨猪油 一兩 黃占 五錢 白占 五錢

輕粉 二錢 黃柏 二錢 珍珠 一錢 官粉 三錢

赤石脂 一錢

共為細末先將前三味鎔化再下細末為隔紙膏貼

小兒瀉痢不服藥

用土木鱉 半箇 母丁香 四粒 麝香 一分五厘

共為細末吐津調為丸如芡實大納一丸臍內外用不拘小膏藥貼之立止

迴燕膏

專貼瘰癧痰核

穿山甲 全蝎 白芷 黃連 黃柏

黃芩 當歸 生地 赤芍藥

官桂 海藻 番木鱉

以麻油一斤四兩共熬枯黑去渣下飛丹十兩黃蠟七錢白占三錢粉心二兩收成膏藥投入水浸加細藥

乳香 沒藥 阿魏 輕粉 麝香

血結 四兩 燕窩泥 一兩 雄黃 硃砂 各二錢

雄鼠糞 一兩 五錢

共為極細末篩過將膏藥取起鎔化離火下細藥攪勻依癩大貼之三日即消如熬煉須擇選日期淨室忌鷄犬女人此藥又能貼諸般惡毒

治偏墜方

用牡礪 二兩燒酒 服七次 良薑 一兩 酒炒

其為細末津調手心內上加薄綿紙一張按藥在手將藥膏手掩在陰子上一時放開再吃藥

用吳茱萸 二兩湯 泡七次 山茱萸 二兩 去核 補核 二兩

川練子肉 三兩 益智仁 一兩 炒 小茴香 一兩 炒

玄胡索 一兩 五錢 巴戟 一兩 去骨 五錢 青皮 一兩 五錢

蒼朮 五錢 炒 木香 三錢 沉香 二錢

石為末煉蜜為丸空心鹽湯下

治傷寒神通散

危急發狂併大小便不通有食腹痛

硃砂 一錢 雄黃 五分 沉香 一錢 木香 一錢 五分

巴豆 一錢 去油 鬱金 一兩

共為末每服六厘或半分看人大小以七厘作
一服為止更不可多茶送下

治疥瘡方

一人脇下生一疥瘡用黃麻梗中虫一條焙乾
為末酒調服下如神其疥化為水此虫須先收
下以葱管中藏之

回天起死丸

宜十一月脩合

治痘瘡根窠不紅黑陷灰白塌損蛇皮垂死者
只要有氣無不活者取好辰砂四兩用荔枝核

槌碎煎湯濃稠懸胎煑砂五炷香取起為末每
一兩入天靈蓋三錢製天靈蓋用麝香三錢擦
拌入小泥釜中鹽泥固封燒紅冷定用白麵四
兩鬼血為丸菘豆大每服一二丸酒漿下即得
回生真神方也

治遠年瘋癲擦藥

用番打馬

廣東來者三錢

珍珠

一錢

冰片

一錢

雄黃

六分

輕粉

三錢

枯礬

一兩

胆礬

三錢

水銀

五兩

信

五分

火煨

川大黃

二兩

孩兒茶

五錢

大楓子 一百箇 火焙

右為末用麻油調擦手足骨節

又內解煎藥方

用當歸 六錢 人參 一錢五分 防風 六錢 荆芥 六錢

牛膝 三錢 連翹 三錢 木通 四錢 皂角 四錢

山梔 六錢 羌活 六錢 甘草 二錢 薏苡仁 二錢

白蘚皮 六錢 生地黃 四錢 熟地黃 五錢

已上分作七貼水煎食前服

治癬妙方

用川槿皮 一兩 斑毛 二錢 木鱉子 一兩

檳榔 三錢 樟腦 一錢 枯礬 一錢 硫黃 一錢

麝香 二分

共為末用燒酒春秋二日冬三日夏一日蘸搭擦癬瘡上畧疼些三日除根

治癬七攻散

用木别子 四大箇 水銀 輕粉 白生礬 川椒

各五分 人言 五厘

共為末用猪脂油調和擦之

千里不飲水不渴方

用白蜜

一兩二錢

甘草

一兩

薄荷

一兩

烏梅

一兩

乾葛

一兩

鹽白梅

一兩

何首烏

二兩五錢

白茯苓

三兩五錢

共為末蜜丸芡實大

行路不吃食自飽方

用芝麻

一升

紅棗

一升

糯米

一升

共為末蜜丸如彈子大每吃一九水下一日不

饑

治痘疹黑陷不起

用狗蠅七箇搗碎和醅酒娘調服即愈

治痘瘡攻目壞眼

用蛇蛻一條淨洗焙燥加天花粉等分為末入

羊肝肉以麻布包縛煮食妙

神驗續骨丸

用臘月猪板油

十兩

白蠟

煉過半斤

飛丹

四兩

自然銅

煨醋淬七次四兩

白礬

十二兩

蜜陀僧

四兩

麒麟竭

一兩

沒藥

乳香

辰砂

各一兩

右十味先用鍋內熬油次下蠟將鍋離火放地上入蜜陀僧飛丹自然銅攪勻小火再煎滴水成珠方下礬竭乳沒砂用楊柳枝不住手攪勻待凝丸如彈子大笋殼襯墊每遇跌折傷重者用一丸再加猪油些少火上化開塗傷處以油紙包縛甚者以燈草裹了用竹片夾綁再用一丸分作小丸滾熱葱酒吞下痛止若再痛再服痛定乃止骨折者兩次即愈如齒痛者一貼牙根立止

守仙五子丸方

治服金石藥毒作垂死服之可生十之八九如服金石之藥而未發者亦當服之

- 餘甘子
- 覆盆子
- 兔絲子
- 五味子
- 車前子

各五兩

右搗如麩二三月取枸杞莖葉搗汁二大碗拌前藥令乾拌盡七八月再取蓮子草搗汁一大升拌藥令乾後用杏仁一大升用好酒研汁五大升銀砂器內煎無苦味加生地黄汁半升真

酥五兩鹿角膠五兩共杏仁汁煎溶下前五子末急用柳條攪勻衆手丸如梧桐子大每日酒服三四十九忌猪肉韭芥蘿蔔服之百日金石毒除金丹之炁流通五內潤澤血肉萬毒悉消鬚髮返黑老者還童皆因制其陰陽二性彼此相備也

華蓋丹

此黑鬚髮妙藥用出山黑鉛三斤打作片子用鐵鎚眼鉛片如方條以繩穿之用淨瓶盛米醋

一斗將鉛片懸掛醋內以紙密封瓶口泥頭七日後開看取鉛片上起有白霜用竹片鷲翎刮下又封又刮三四次後鉛片須換又浸醋兩次一換取霜一兩入冰片半分研如粉天露水爲丸梧桐子大每夜口含一丸不語自化能變白返黑一生不白白者二十日後復黑光潤又能延年益壽除熱毒風氣筋骨疼痛一生忌大蒜再不可吃

辟寒丹

辟寒氣省綿衣

用雄黃

赤石脂

粒舌者佳

丹砂

光明者

乾薑

各等分爲末蜜同白松香末爲丸如桐子大酒下四九服十日止不着綿衣赤身可行水內

辟暑丹

用雌黃

研水飛

白石脂

水飛

丹砂

研細黃泥裹燒如粉

磁石

擣水飛去赤

各等分人乳同白松香化爲丸小豆空心湯下四九服三兩後夏月可衣裘褐炎氣不侵二方仙傳頗有神驗

治牙日用妙方

用川椒

兩

北細辛

一兩

百部

一兩

雄黃

五錢

青鹽

一兩

白鹽

一兩

裝入荔枝殼內大火化爲一箇白塊取起研碎同前五味爲末早暮擦齒永絕疼痛

大解不通方

用松仁

八達杏仁

榧子

水淋水浸一日

核桃

栝子仁

各等分白糖霜和爲餅子吃卽通

治老人小解秘澁老人有疾即是病也

用人參 白朮 牛膝 茯苓 陳皮 山查

當歸 白芍藥各一錢 甘草五分

加生薑三片煎服春加川芎夏秋加黃芩門冬冬加北薑如更短倍加當歸

三子養親湯

用蘇子 蘿蔔子 白芥子

右炒香泡湯隨意服

開胃炒麵方

用白麵五斤 茴香二兩 薑末二兩 杏仁八兩

枸杞八兩 核桃八兩 芝蔴八兩

右研為末白湯點服

食栢草方

嘗栢葉百草飽肚不饑避難絕食妙方

杜仲一斤去皮醋浸一宿焙乾為末 荆芥穗一斤為末 薄荷八兩

白茯苓一斤去皮為末 甘草一斤去皮

右蜜丸小指大將栢葉水洗和藥入口內細嚼為妙

遺精白濁奇方

用山梔子三錢炒黑焦煎水二鍾將至一大鍾
取起調蚯蚓新瓦上炒成末每服二錢大病不
服三服一月係精此後皆痰化也

雅尚齋遵生八牋卷之十九

古杭高濂深甫氏編次



塵外遐舉牋

一卷

高子曰易云不事王侯高尚其事詩云皎皎
白駒在彼空谷此指遁世無悶而獨善其身
者也士君子不得志於兼濟當堅貞以全吾
形保其餘年而林臯自足邁德弘道而不受
塵鞅以樂其志外是則硜硜以類沽名置囂

焉心將安所用哉故余生平景仰峻德高風
神交心與而夢寐不置者上錄人外高隱凡
百人焉意取或隱居以求其志或去危以圖
其安或曲避以守其道或庇物以全其清或
垢俗避喧或審時斂跡大或輕天下而細萬
物小或安苦節而甘賤貧扇箕山之風鼓洪
厓之志侃侃高論風教後人者咸錄以尚友
千古俾後之隱草莽者當知甘心畎畝而道
不可以斯須去身憔悴江潭而行不可使靡

焉同俗杖履山水歌咏琴書放浪形骸狎玩
魚鳥出雖局於一時而處則蹈彼千仞如是
則心無所營而神清氣朗物無容擾而志逸
身閒養壽怡生道豈外是余錄是編而牋曰
塵外遐舉

披衣

余錄雖始自披衣如高士傳各次
其中增損更多悉從諸史并雜集
彙選參入然非道德貞純言行卓
絕玉輝冰潔岳峙川渟者悉不
錄觀者當自得之

披衣堯時人也堯之師曰許由許由之師曰齧

缺問道乎披衣披衣曰若正汝形一汝視天和
將至攝汝知一汝度神將來舍德將爲汝美道
將爲汝居汝瞳焉如新生之犢而無求其故言
未卒齧缺睡寐披衣大悅行歌去之曰形若槁
骸心若死灰真其實知不以故自持媒媒晦晦
無心而不可與謀彼何人哉

王倪

王倪問道焉齧缺曰子知物之所同是乎曰吾
惡乎知之子知子之所不知邪曰吾惡乎知之

然則物無知邪曰吾惡乎知之雖然嘗試言之
庸詎知吾所謂知之非不知邪庸詎知吾所謂
不知之非知邪且吾嘗試問乎汝民濕寢則腰
疾偏死鱗然乎哉木處則惴慄恂懼猿猴然乎
哉三者孰知正處民食芻豢麋鹿食薦啣且甘
帶鴟鴞者鼠四者孰知正味猿狙以爲雌麋
與鹿交鱗與魚游毛嬙麗姬人之所美也魚見
之深入鳥見之高飛麋鹿見之決驟四者孰知
天下之正色哉自我觀之仁義之端是非之塗

樊然殽亂吾惡能知其辯齧缺曰子不知利害則至人固不知利害乎王倪曰至人神矣大澤焚而不能熱河漢沍而不能寒疾雷破山風振海而不能驚若然者乘雲氣騎日月而遊乎四海之外死生無變於已而况利害之端乎

巢父

巢父者堯時隱人也山居不營世利年老以樹為巢而寢其上故時人號曰巢父堯之讓許由也由以告巢父巢父曰汝何不隱汝形藏汝光若非吾友也擊其膺而下之由悵然不自得乃過清冷之水洗其耳拭其目曰向聞真言負吾之友矣遂去終身不相見

許由

許由字武仲陽城槐里人也為人據義履方邪席不坐邪饜不食後隱於沛澤之中堯讓天下於許由曰日月出矣而燭火不息其於光也不亦難乎時雨降矣而猶浸灌其於澤也不亦勞乎夫子立而天下治而我猶尸之吾自視缺然

塵外遐舉
請致天下許由曰子治天下天下既已治也而我猶代子吾將爲名乎名者實之賓也吾將爲賓乎鷦鷯巢於深林不過一枝偃鼠飲河不過滿腹歸休乎君予無所用天下爲庖人雖不治庖尸祝不越樽俎而代之矣不受而逃去齧缺遇許由曰子將奚之曰將逃堯曰奚謂邪曰夫堯知賢人之利天下也而不知其賊天下也夫唯外乎賢者知之矣由於是遁耕於中岳潁水之陽箕山之下終身無經天下色堯又召爲九

州長由不欲聞之洗耳於潁水濱時其友巢父牽犢欲飲之見由洗耳問其故對曰堯欲召我爲九州長惡聞其聲是故洗耳巢父曰子若處高岍深谷人道不通誰能見子子故浮游欲聞求其名譽污吾犢口牽犢上流飲之許由沒葬箕山之巔亦名許由山在陽城之南十餘里堯因就其墓號曰箕山公神以配食五岳世世奉祀至今不絕也

善卷

善卷者古之賢人也堯聞得道乃北面師之及堯受終之後舜又以天下讓卷卷曰昔唐氏之有天下不教而民從之不賞而民勸之天下均平百姓安靜不知怨不知喜今子盛爲衣裳之服以眩民目繁調五音之聲以亂民耳不作皇韶之樂以愚民心天下之亂從此始矣吾雖爲之其何益乎予立於宇宙之中冬衣皮毛夏衣絺葛春耕種形足以勞動秋收斂身足以休食日出而作日入而息逍遙於天地之間而心意自得吾何以天下爲哉悲夫子之不知予也遂不受去入深山莫知其處

壤父

壤父者堯時人也帝堯之世天下太和百姓無事壤父年八十餘而擊壤於道中觀者曰大哉帝之德也壤父曰吾日出而作日入而息鑿井而飲耕田而食帝何德於我哉

蒲衣子

蒲衣子者舜時賢人也年八歲而舜師之齧缺

塵外遇率 六
問於王倪四問而四不知齧缺因躍而大喜行
以告蒲衣子蒲衣子曰而乃今知之乎有虞氏
不及泰氏有虞氏其猶藏仁以要人亦得人矣
而未始出於非人泰氏其卧徐徐其覺于于一
以已爲馬一以已爲牛其知情信其德甚真而
未始入於非人也後舜讓天下於蒲衣子蒲衣
子不受而去莫知所終

小臣稷

小臣稷者齊人也抗厲希古桓公凡三往而不
得見公嘆曰吾聞布衣之士不輕爵祿則無以
助萬乘之主萬乘之主不好仁義則無以下布
衣之士於是五往乃得見焉桓公以此能致士
爲五霸之長

商容

商容不知何許人也有疾老子曰先生無遺教
以告弟子乎容曰將語子過故鄉而下車知之
乎老子曰非謂不忘故耶容曰過喬木而趨知
之乎老子曰非謂其敬老耶容張口曰吾舌存

乎曰存曰吾齒存乎曰亡知之乎老子曰非謂其剛亡而弱存乎容曰嘻天下事盡矣

庚桑楚

庚桑楚者楚人也老聃弟子偏得老聃之道遂卜居畏壘之山其居三年畏壘大壤畏壘之民相與言曰庚桑子之始來吾洒然異之今吾日計之而不足歲計之而有餘庶幾其聖人乎子胡不相與尸而祝之社而稷之乎庚桑子聞之南面而不釋然弟子異之庚桑子曰弟子何異

於予夫春氣發而百草生正得秋而萬寶成夫春與秋豈無得而然哉天道已行矣吾聞至人尸居環堵之室而百姓猖狂不知所如往今以畏壘之細民而竊竊焉欲俎豆予于賢人之間我其杓之邪吾是以不釋於老聃之言

老萊子

老萊子者楚人也當時世亂逃世耕於蒙山之陽莞葭為牆蓬蒿為室枝木為牀著艾為席飲水食菽墾山播種人或言於楚王王於是駕至

萊子之門萊子方織畚王曰守國之政孤願煩先生老萊子曰諾王去其妻樵還日子許之乎老萊曰然妻曰妾聞之可食以酒肉者可隨而鞭撻可擬以官祿者可隨而鈇鉞妾不能爲人所制者妻投其畚而去老萊子亦隨其妻至於江南而止曰鳥獸之毛可績而衣其遺粒足食也仲尼嘗聞其論而蹙然改容焉著書十五篇言道家之用人莫知其所終也

林類

林類者魏人也年且百歲底春披裘拾遺穗於故畦並歌並進孔子適衛望之於野顧謂弟子曰彼叟可與言者試往訊之子貢請行逆之隴端面之而嘆曰先生曾不悔乎而行歌拾穗林類行不留歌不輟子貢叩之不已乃仰而應曰吾何悔邪子貢曰先生少不勤行長不競時老無妻子死期將至亦有何樂而行歌乎林少不勤行長不競時故能壽若此老無妻子死期將至故能樂若此子貢曰壽者人之情死者人之

惡子以死為樂何也林類曰死之與生一往一返故死於是者安知不生於彼故吾知其不相若矣吾又安知營營而求生非惑乎亦又安知吾今之死不愈昔之生乎子貢聞之不喻其意還以告夫子夫子曰吾知其可與言果然

榮啟期

榮啟期者不知何許人也鹿裘帶索鼓琴而歌孔子遊於泰山見而問之曰先生何樂也對曰吾樂甚多天生萬物唯人為貴吾得為人矣是

一樂也男女之別男尊女卑故以男為貴吾既得為男矣是二樂也人生有不見日月不免襁褓者吾既已行年九十矣是三樂也貧者士之常也死者民之終也居常以待終何不樂也

荷蕢

荷蕢者衛人也避亂不仕自匿姓名孔子擊磬於衛時荷蕢過孔氏之門曰有心哉擊磬乎既而曰磬磬乎莫已知也斯已而已矣深則厲淺則揭孔子聞之曰果哉末之難矣

長沮桀溺

長沮桀溺者不知何許人也耦而耕孔子過之使子路問津焉長沮曰夫執輿者爲誰子路曰是孔子曰是魯孔丘歟曰是也是知津矣問於桀溺曰子爲誰曰爲仲由曰是魯孔丘之徒歟對曰然曰滔滔者天下皆是也而誰以易之且而與其從避人之士豈若從避世之士哉耰而不輟子路以告孔子孔子憮然曰鳥獸不可與同群吾非斯人之徒而誰與天下有道丘不與

易也

陸通

陸通字接輿楚人也好養性躬耕以爲食楚昭王時通見楚政無常乃佯狂不仕故時人謂之楚狂孔子適楚楚狂接輿遊其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而

趨迷陽迷陽無傷吾行吾行卻曲無傷吾足山
木自寇也膏火自煎也桂可食故伐之漆可用
故割之人皆知有用之用而莫知無用之用也
孔子下車欲與之言趨而避之不得與之言楚
王聞陸通賢遣使者持金百鎰車馬二駟往聘
通曰王請先生治江南通笑而不應使者去妻
從市來曰先生少而爲義豈老違之哉門外車
跡何深也妾聞義士非禮不動妾事先生躬耕
以自食親績以爲衣食飽衣煖其樂自足矣不

如去之於是夫負釜甕妻戴絰噐變名易姓游
諸名山食桂櫨實服黃菁子隱蜀峨眉山壽數
百年俗傳以爲仙云

曾參

曾參字子輿南武城人也不仕而遊居於衛緼
袍無表顏色腫噲手足胼胝三日不舉火十年
不製衣正冠而纓絕捉襟而肘見納履而踵決
曳絰而歌天子不得臣諸侯不得友魯哀公賢
之致邑焉參辭不受曰吾聞受人者常畏人與

人者常驕人縱君不我驕我豈無畏乎終不名
後卒于魯

顏回

顏回字子淵魯人也孔子弟子貧而樂道退居
陋巷曲肱而寢孔子曰回來家貧居卑胡不仕
乎回對曰不願仕回有郭外之田五十畝足以
給饘粥郭內之圃十畝足以爲絲麻鼓宮商之
青足以自娛習所聞於夫子足以自樂回何仕
也孔子愀然變容曰善哉回之意也

原憲

原憲字子思宋人也孔子弟子居魯環堵之室
茨以生草蓬戶不完桑以爲樞而甕牖二室褐
以爲塞上漏下濕匡坐而彈琴子貢相衛結駟
連駟排藜藿入窮閭巷不容軒來見原憲原憲
韋冠緹履杖藜而應門子貢曰嘻先生何病也
憲應之曰憲聞之無財謂之貧學道而不能行
謂之病若憲貧也非病也夫希世而行比周而
友學以爲人教以爲己仁義之隱車馬之飾憲

不忍爲也子貢逡巡而有慚色終身耻其言之過也

漢陰丈人

漢陰丈人者楚人也子貢適楚過漢陰見丈人爲圃入井抱甕而灌用力甚多而見功寡子貢曰有機於此後重前輕挈水若抽其名爲桴用力寡而見功多丈人作色而笑曰聞之吾師有機械者必有機事有機事者必有機心機心存於胸中則純白不備純白不備則神生不定神

生不定者道之所不載也吾非不知羞而不爲也子貢愕然慙俯而不對有間丈人曰子奚爲者邪曰孔丘之徒也丈人曰子非夫博學以擬聖智獨絃歌以賣名聲於天下乎汝方將忘汝神氣墮汝形骸而何暇治天下乎子往矣勿妨吾事子貢卑陬失色頊頊然不自得行三十里而後愈

壺丘子林

壺丘子林者鄭人也道德甚優列禦寇師事之

初禦寇好游壺丘子曰禦寇好游游何所好列子曰游之樂所玩無故人之游也觀其所見我之游也觀其所變壺丘子曰禦寇之游固與人同而曰固與人異凡所見亦恒見其變玩彼物之無物不知我亦無故務外游不知務內觀外游者求備於物內觀者取足於身取足於身游之至也求備於物游之不至也於是列子自以為不知游將終身不出居鄭圃四十年人無識者

老商氏

老商氏者不知何許人也列禦寇師焉兼友伯高子而進于其道尹生聞之從列子居數月不省舍因間請斬其術者十反而十不告尹生懟而請辭列子又不命尹生退數月意不已又往從之列子曰女何去來之頻尹生曰曩章戴有請於子子不我告固有憾於子今復脫然是以又來列子曰曩吾以汝為達今汝之鄙至此乎姬將告汝所學於天子者矣自吾之學也三年

唐夕退舉 十五
之後心不敢念是非口不敢言利害始得老商
一盼而已五年之後心庚念是非口庚言利害
老商始一解言而笑七年之後從心之所念庚
無是非從口之所言庚無利害老商始引吾並
席而坐今汝居先生之門曾未洽時履虛乘風
其可得乎

列禦寇

列禦寇者鄭人也隱居不仕鄭穆公時子陽爲
相專任刑法列禦寇乃絕迹窮巷面有饑色或

告子陽曰列禦寇蓋有道之士也居君之國而
窮君無乃爲不好士乎子陽聞而悟使官載粟
數十乘而與之禦寇出見使者再拜而辭之入
見其妻妻望之而拊心曰妾聞爲有道之妻子
皆得佚樂今有饑色君過而遺先生食先生不
受豈非命也哉禦寇笑曰君非自知我也以人
之言而遺我粟至其罪我也又且以人之言此
吾所以不受也居一年鄭人殺子陽其黨皆死
禦寇安然獨全終身不仕著書八篇言道家之

意號曰列子

莊周

莊周者宋之蒙人也少學老子爲蒙縣漆園吏
遂遺世自放不仕王公大人皆不得而器之楚
威王使大夫以百金聘周周方釣於濮水之上
持竿不顧曰吾聞楚有神龜死二千歲矣巾笥
而藏之於廟堂之上此龜寧無爲留骨而貴乎
寧生曳尾塗中乎大夫曰寧掉尾塗中耳莊子
曰往矣吾方掉尾於塗中或又以千金之幣迎

周爲相周曰子不見郊祭之犧牛乎衣以文綵
食以芻菽及其牽入太廟欲爲豚豚其可得乎
遂終身不仕

段干木

段干木者晉人也少貧且賤心志不遂乃治清
節遊西河師事卜子夏與田子方李克翟璜吳
起等居于魏皆爲將唯干木守道不仕魏文侯
欲見就造其門段干木踰牆而避文侯文侯以
客禮待之出過其廬而軼其僕問曰干木布衣

也君軾其廬不已甚乎文侯曰段干木賢者也不移勢利懷君子之道隱處窮巷聲馳千里吾敢不軾乎干木先乎德寡人先乎勢干木富乎義寡人富乎財勢不若德貴財不若義高又請為相不肯後卑已固請見與語文侯立倦不敢息夫文侯名過齊桓公者蓋能尊段干木敬下子思友因子方故也

公儀潛

公儀潛者魯人也與子思為友穆公因子思而致命欲以為相子思曰公儀子此所以不至也君莫饑渴待賢納用其謀雖蔬食飲水彼亦願在下風如以高官厚祿為釣餌而無信用之心公儀子智若魯者可也不爾則不踰君之庭且臣不佞又不能為君操竿下釣以傷守節之士潛竟終身不屈

黔婁先生

黔婁先生者齊人也脩身清節不求進于諸侯魯恭公聞其賢遣使致禮賜粟三千鍾欲以為

相辭不受齊王又禮之以黃金百斤聘爲卿又不就著書四篇言道家之務號黔婁子終身不屈以壽終

陳仲子

陳仲子者齊人也其兄戴爲齊卿食祿萬鍾仲子以爲不義將妻子適楚居於陵自謂於陵仲子窮不苟求不義之食不食遭歲饑乏糧三日乃匍匐而食井上李實之蟲者三咽而能視身自織履妻擘糲以易衣食楚王聞其賢欲以爲

相遣使持金百鎰至於陵聘仲子仲子入謂妻曰楚王欲以我爲相今日爲相明日結駟連騎食方丈於前息可乎妻曰夫子左琴右書樂在其中矣結駟連騎所安不過容膝食方丈於前所甘不過一肉今以容膝之安一肉之味而懷楚國之憂亂世多害恐先生不保命也於是出謝使者遂相與逃去爲人灌園

漁父

漁父者楚人也楚亂乃匿名隱釣於江濱楚頃

襄王時屈原爲三閭大夫名顯於諸侯爲上官
靳尚所譖王怒放之江濱被髮行吟於澤畔漁
父見而問之曰子非三閭大夫歟何故至斯原
曰舉世混濁而我獨清衆人皆醉而我獨醒是
以見放漁父曰夫聖人不凝滯於萬物故能與
世推移舉世混濁何不揚其波汨其泥衆人皆
醉何不餽其糟歎其醜何故懷瑾握瑜自令放
爲乃歌曰滄浪之水清可以濯吾纓滄浪之水
濁可以濯吾足遂去深山自閉匿人莫知焉

四皓

四皓者皆河內軹人也或在汲一曰東園公二
曰角里先生三曰綺里季四曰夏黃公皆修道
潔已非義不動秦始皇時見秦政虐乃退入藍
田山而作歌曰莫莫高山深谷逶迤曄曄紫芝
可以療饑唐虞世遠吾將何歸駟馬高蓋其憂
甚大富貴之畏人不如貧賤之肆志乃共入商
雒隱地肺山以待天下定及秦敗漢高聞而徵
之不至深自匿終南山不能屈已

黄石公

黄石公者下邳人也遭秦亂自隱姓名時人莫知者初張良易姓爲長自匿下邳步游沂水圯上與黄石公相遇未謁黄石公故墜履圯下顧謂良曰孺子取履良素不知詐愕然欲毆之爲其老人也強忍下取履因跪進焉公以足受笑而去良殊驚公行里所還謂良曰孺子可教也後五日平明與我期此良愈怪之復跪曰諾五日平旦良往公怒曰與老人期何後又後五日

早會良雞鳴往公又先在復怒曰何後也後五日早會良夜半往有頃公亦至喜曰當如是乃出一編書與良曰讀是則爲王者師矣後十三年孺子見濟北穀城山下黄石卽我矣遂去不見

魯二徵士

魯二徵士者皆魯人也高祖定天下卽皇帝位博士叔孫通白徵魯諸儒三十餘人欲定闕儀禮二士獨不肯行罵通曰天下初定死者未葬

傷者未起而欲起禮樂禮樂所由起百年之德而後可舉吾不忍爲公所爲公所爲不合古吾不行公往矣無汗我通不敢致而去

田何

田何字子莊齊人也自孔子授易五傳至何及秦禁學以易爲卜筮之書獨不禁故何傳之不絕漢興田何以齊諸田徙杜陵號曰杜田生以易受弟子東武王同子仲洛陽周王孫丁寬齊服又等皆顯當世惠帝時何年老家貧守道不

仕帝親幸其廬以受業終爲易者宗

披裘公

披裘公者吳人也延陵季子出遊見道中遺金顧而覩之與公曰取彼金公投鏡瞋目拂手而言曰何子居之高而視之卑吾披裘而負薪豈取遺金者哉季子大驚既言而問其姓名曰何足語姓名

劉麟之

晉劉麟之字子驥桓冲到其家麟之於樹條桑

使者致命麟之曰使君旣枉駕光臨宜先諸家
君冲聞大媿乃造其父麟之被短褐與冲話言
父使麟之自持濁酒蔬菜供賓冲命厨人代之
父曰若使從者代非野人之意也冲請麟之爲
長史固辭

江上漁父

江上有一漁父乘船知伍胥奔吳急乃渡之胥
旣渡解劍值百金與父父曰楚國之法得伍胥
看云執主豈徒百金劍邪不受一笑刺舟而去

安丘望之

望之少恬靜不求仕進號安丘丈人成帝歡見
不得以其道德深重常師事焉望之不以見重
爲高日愈損退爲巫醫於民間著老子章句

胡宿

胡宿字武平氣宇高爽議論清新仁恕誠慤出
於自然平生守道不以進退爲意在文館二十
餘年語後進曰富貴貧賤莫不有命士人當脩
已俟命毋爲造物所嗤

塵外遺舉
朱桃椎
朱桃椎成都人淡薄絕俗被裘曳索結廬山中常織芒履置道上見者曰此居士履也以米茗置其處易之

吳隱之

吳隱之字處默介立有清操日晏飫菽儋石無儲與韓康伯隣居康伯母殷氏也謂康伯曰汝掌銓衡必舉此輩後爲廣州刺史酌貪泉詩曰古人云此水一飲懷千金試使夷齊飲終當不

易心及歸妻劉氏齋沉香一片隱之見之卽投之於湖

杜林

杜林字伯山博洽多聞時稱通儒初客河西拘於隗囂而不屈節弟成卒囂聽其持喪歸而遣刺客楊賢遮殺之賢見林身推鹿車自載弟喪嘆曰我雖小人何忍殺義士因亡去

管寧

管寧字幼安少與華歆同席讀書門外有乘軒

者過歆棄書遽往觀之寧耻之而割席曰子非
吾友也又嘗與歆共鋤菜地遇金寧揮鋤不顧
歆則捉而擲之漢魏之際居遼東二十年匿畏
藏光喜遯養浩魏明帝安車蒲輪束帛加璧聘
之寧不受家貧好學一藜床五十年當膝處皆
穿

趙抃

趙抃字閱道氣宇清逸人不見其喜愠自號知
非子宋至和中為侍御史彈劾不避貴戚京師

號為鑲面御史初任成都以一琴一鶴自隨及
其再任屏去琴鶴止有蒼頭執事公平生日所
為事夜必衣冠露香拜首告天若不可告者不
敢為也元豐初告老退居於衢有溪石松竹之
勝與山僧野老游不復有軒冕志矣故其詩曰
軒外長溪溪外山捲簾空曠水雲間高齋有問
如何答清夜安眠白晝閒

夏統

夏統字仲御會稽人隱身不仕母病篤詣洛市

藥會上已洛中王公並至浮橋車乘如雲統視
之茂如也賈充引船與語其應如響勸之仕俛
而不答充曰卿能作鄉土地間曲乎曰昔曹娥
投水國人哀之爲作河女之章伍子胥以忠投
海國人哀之爲作小海唱今欲歌之於是以足
扣舷引聲清激大風應至雲雨交集充令妓女
盛服繞船三匝統危坐如故若無所聞充悵然
曰此吳兒木腸石心也

元德秀

德秀號魯山房瑄嘆曰見紫芝眉宇使入名利
之心都盡天下高其行緇帙滿架柴車而行卒
惟枕履簞瓢而已生六十未嘗見女色焉

裴休

裴休字公美兄弟皆熟書誦經夜著書終年不
出戶有餽鹿者諸生共薦之休不食曰蔬食猶
不足今一啖肉後何以繼

裴坦

裴坦性簡儉其子娶楊收女器用皆犀玉坦命

持去曰殃我家矣

顏含

顏含字弘都有操行郭璞過含欲爲之筮含曰
年在天位在人修已而天不與者命也守道而
人不知者性也自有性命無勞著龜

裘萬頃

裘萬頃字元量不樂仕進以薦者召爲司直在
朝賦詩云新築書堂壁未乾馬蹄催我上長安
况時只道爲官好老去方知行路難千里關山

千里念一番風雨一番寒何如靜坐茅簷下翠
竹蒼梧仔細看遂促歸

范式

范式字巨卿張劭字元伯二人相友善劭卒式
夢劭呼曰巨卿吾以某日某時死矣子能爲我
一及於葬乎式卽馳赴未至而喪已發將至壙
柩不肯進其母撫之曰元伯豈有望耶移時見
有素車白馬號哭而來其母曰必巨卿也式因
執紼引柩乃前

郭延卿

郭延卿者西京人也少與張文定公呂文穆公游以文行稱於鄉閭張呂作相更薦之延卿不就葺幽亭藝花木自娛足迹不及城市年八十餘錢文僖惟演時留守西京通判謝絳掌書記尹洙推官歐陽脩皆一時聞人也一日惟演率僚屬出郭往遊去其舍一里許屏騎從訪之不告以名氏延卿欣然接之道服對談而已延卿笑曰陋居罕有過從而平日所見之人亦無諸

君者老夫甚愜願少留花下小酌於是陶尊果款以進惟演喜其野逸爲滿引不辭旣而吏揖於前報曰申牌府吏牙兵已滿庭中矣延卿徐曰公等何官而從吏之多若此也洙曰留守相公也延卿笑曰不圖相國肯訪野人遂相與大笑又曰諸公尚能飲否惟演欣然從之盤無少加於前而談笑自若日入辭去延卿送之門顧曰老病不能造謝希勿訝也惟演輦登車茫然自失竊目語僚屬曰此真隱者也彼視富貴

爲何等物也嘆息累日不止

摯峻

摯峻字伯陵京兆長安人也少治清節與太史令司馬遷交好峻獨退身脩德隱於阡山遷旣親貴乃以書勸峻進曰遷聞君子所貴乎道者三太上立德其次立言其次立功伏惟伯陵材能絕人高尚其志以善厥身冰清玉潔不以細行荷累其名固已貴矣然未盡太上之所由也曰元主少致意焉峻報書曰峻聞古之君子料

能而行度德而處故悔悵去其身利不可以虛受名不可以苟得漢興以來帝王之道於斯始顯能者見利不肖者自屏亦其時也周易大君有命小人勿用徒欲偃仰從容以遊餘齒耳峻之守節不移如此遷居太史官爲李陵遊說下腐刑果以悔悵被辱峻遂高尚不仕卒于阡阡人立祠號曰阡居士世奉祀之不絕

成公

成公成帝時人自隱姓名常誦經不交世利時

人號曰成公成帝出遊問之成公不屈節上曰朕能富貴人能殺人子何逆朕成公曰陛下能貴人臣能不受陛下之官陛下能富人臣能不受陛下之祿陛下能殺人臣能不犯陛下之法上不能折使即二人就受政事十二篇

宋勝之

宋勝之者南陽安衆人也少孤年五歲失父母家于穀城聚中孝慕甚篤聚中化之少長有禮勝之每行見老人擔負輒以身代之獵得禽獸

嘗分肉與有親者貧依娣居數歲乃至長安受易通明以信義見稱從兄褒爲東平內史遣使召之勝之曰衆人所樂者非勝之願也乃去遊太原從郇越牧羊以琴書自娛丞相孔光聞而就太原辟之不至元始二年病卒于太原

張仲蔚

張仲蔚者平陵人也與同郡魏景卿俱修道德隱身不仕明天官博物善屬文好詩賦常居窮素所處蓬蒿没人閉門養性不治榮名時人莫

識唯劉龔知之

嚴遵

嚴遵字君平蜀人也隱居不仕常賣卜於成都市日得百錢以自給卜訖則閉肆下簾以著書爲事揚雄少從之遊屢稱其德李强爲益州牧喜曰吾得君平爲從事足矣雄曰君可備禮與相見其人不可屈也王鳳請交不許蜀有富人羅冲者問君平曰君何以不仕君平曰無以自見冲爲君平具車馬衣糧君平曰吾病耳非不

足也我有餘而子不足柰何以不足奉有餘冲曰吾有萬金子無擔石乃云有餘不亦謬乎君平曰不然吾前宿子家人定而役未息晝夜汲汲未嘗有足今我以卜爲業不下牀而錢自至猶餘數百塵埃厚寸不知所用此非我有餘而子不足邪冲大慙君平嘆曰益我貨者損我神生我名者殺我身故不仕也時人服之

彭城老父

彭城老父者楚之隱人也見漢室衰乃自隱修

塵外遺舉
道不治名利至年九十餘王莽時徵故光祿大夫龔勝欲爲太子師友祭酒耻事二姓莽迫之勝遂不食而死莽使者及郡守以下會斂者數百人老父痛勝以名致禍乃獨入哭勝甚悲旣而曰嗟乎薰以香自燒膏以明自銷龔先生竟天天年非吾徒也哭畢而趨出衆莫知其誰也

向長

向長字子平河內朝歌人也隱居不仕性尚中和好通老易貧無資食好事者更饋焉受之取

足而反其餘王莽大司空王邑辟之連年乃至欲薦之於莽固辭乃止潛隱於家讀易至損益卦喟然嘆曰吾已知富不如貧貴不如賤但未知死何如生耳建武中男女娶嫁旣畢勅斷家事勿相關當如我死也於是遂肆意與同好北海禽慶俱遊五嶽名山竟不知所終

嚴光

嚴光字子陵會稽餘姚人也少有高名同光武遊學及帝卽位光乃變易名姓隱逝不見帝思

其賢乃物色求之後齊國上言有一男子披羊裘釣澤中帝疑光也乃遣安車玄纁聘之三反而後至車駕即日幸其館光卧不起帝即卧所撫其腹曰咄咄子陵不可相助為理邪光又眠不應良久乃張目而言曰昔唐堯著德巢父洗耳士故有志何至相迫乎帝曰子陵我竟不能下汝邪於是升輿歎息而去復引光入論道舊故相對累日因共偃卧除為諫議大夫不屈乃耕於富春山後人名其釣處為嚴陵瀨焉建武

十七年復特徵不至年八十終於家

東海隱者

東海隱者不知何許人也漢故司直王良之友建武中良以清節徵用歷位至一年復還通友不肯見而讓之曰不有忠信奇謀而取大位自知無德曷為致此而復遽去何往來屑屑不憚煩也遂距良終身不納論者高之

梁鴻

梁鴻字伯鸞扶風平陵人也遭亂世受業太學

博覽不爲章句學畢乃收豕上林苑中曾誤遺
火延及他舍鴻乃尋訪燒者問所失去悉以豕
償之其主猶以爲少鴻又以身居作執勤不懈
隣家耆老見鴻非恒人乃共責讓主人而稱鴻
長者於是始敬異焉悉還其家鴻不受而去歸
鄉里執家慕其高節多欲女之鴻並絕不娶同
縣孟氏有女狀醜擇對不嫁父母問其故女曰
欲得賢如梁伯鸞者鴻聞而聘之及嫁始以裝
飾入門七日而鴻不荅妻乃下請鴻曰吾欲表

褐之人可與俱隱深山者爾今乃衣綺縞傳粉
墨豈鴻所願哉妻曰以觀夫子之志耳妾自有
隱居之服乃更爲四椎髻著布衣操作而前鴻
大喜曰此真梁鴻妻也能奉我矣字之曰德曜
孟光居有頃乃共入霸陵山中以耕織爲業詠
詩書彈琴以自娛仰慕前世高士而爲四皓以
來二十四人作頌因東出關過京師作五噫之
歌肅宗求鴻不得乃易姓運期名耀字侯光與
妻子居齊魯之間有頃又去適吳居臯伯通廡

下爲人賃春每歸妻爲具食舉案齊眉伯通察而異之乃方舍於家鴻潛閉著書十餘篇疾且告主人曰昔延陵季子葬於贏博之間不歸鄉里慎勿令我子持喪歸去及卒伯通等爲求葬地於吳要離冢傍

高恢

高恢字伯達京兆人也少治老子經恬虛不營世務與梁鴻善隱於華陰山中及鴻東遊思作詩曰鳥嚶嚶兮友之期念高子兮僕懷田

念恢兮爰集茲二人遂不復相見恢亦高抗厯耀終身不仕焉

韓康

韓康字伯休京兆霸陵人也常遊名山采藥賣於長安市中口不二價者三十餘年時有女子買藥於康怒康守價乃曰公是韓伯休邪乃不二價乎康難曰我欲避名今區區女子皆知有我何用藥爲遂遯入霸陵山中博士公車連徵不至桓帝時乃備玄纁安車以聘之使者奉詔

塵外遐舉
造康康不得已乃佯許諾辭安車自乘柴車昂
晨先發至亭亭長以韓徵君當過方發人牛修
道橋及見康柴車幅巾以為田叟也使奪其牛
即釋駕與之有頃使者至知之欲奏殺亭長康
曰老子與之非奪也亭長何罪乃止康因中路
逃去以壽考終

臺佟

臺佟字孝威魏郡鄴人也不仕隱武安山中峰
則穴而居採藥自建業初中州辟不就魏郡刺

史執棗栗為贄見佟語良久刺史曰孝威居身
如此甚苦如何佟曰佟幸得保終正性存神卷
和不屏營於世事以勞其精除可欲之志恬淡
自得不苦也如明使君綏撫牧養夕揚匪忒反
不苦邪遂去隱逸終身不見

丘訢

丘訢字季春扶風人也少有大材自謂無伍傲
世不與俗人為群郡守召始見曰明府欲臣訢
邪友訢邪師訢邪明府所以尊寵人者極於功

曹所以榮祿人者已於孝廉一極一已皆訴所
不用也郡守異之遂不敢屈

矯慎

矯慎字仲彥扶風茂陵人也少慕松喬導引之
術隱遯山谷與南郡太守馬融并州刺史蘇章
鄉里並時然二人純遠不及慎也汝南吳蒼甚
重之因遺書以觀其志曰蓋聞黃老之言乘虛
入冥藏身遠遁亦有理國養人施於為政至如
登山絕迹神不著其證人不覩其驗吾從先生

欲其可者於意何如昔伊尹不懷道以待堯舜
之君方今明明四海開闢巢許無為箕山夷齊
悔入首陽足下審能騎龍弄鳳翔嬉雲間者亦
非狝兔燕雀所敢謀也慎不荅年七十餘竟不
肯娶後忽歸家自言死日及期果卒後人有見
慎於燉煌者故前世異之或云神仙焉慎同郡
馬瑤隱於沂山以兔置為事所居俗化百姓美
之號馬牧先生焉

法真

法真字高卿扶風郿人也學無常家博通內外
圖典關西號爲大儒弟子自遠而負笈嘗數百
人真性恬靜寡欲不涉人間事太守請見之真
乃幅巾詣謁太守曰昔魯哀公雖爲不肖而仲
尼稱臣太守虛薄欲以功曹相屈光贊本朝何
如真曰以明府見待有禮故敢自同賓末若欲
吏之真將在北山之北南山之南矣太守懼然
不敢復言凡辟公府賢良皆不就同郡田羽薦
真曰處士法真體兼四業學窮典奧幽居恬泊

樂以忘憂將蹈老氏之高蹤不爲玄纁屈也臣
願聖朝就加衮職必能唱清廟之歌致來儀之
鳳矣會順帝西巡羽又薦之帝虛心欲致前後
四徵真曰吾旣不能遜形遠世豈飲洗耳之水
哉遂深自隱絕終不降屈友人郭正稱之曰法
真名可得聞身難得見逃名而名我隨避名而
名我追可謂百世之師者矣乃共刊石頌之號
曰玄德先生年八十九中平五年以壽終

漢濱老父

漢濱老父者不知何許人也桓帝延熹中幸竟陵過雲夢臨沔水百姓莫不觀者有老父獨耕不輟尚書郎南陽張溫異之使問曰人皆來觀老父獨不輟何也老父笑而不答溫下道百步自與言老父曰我野人也不達斯語請問天下亂而立天子邪理而立天子邪立天子以父天下邪役天下以奉天子邪昔聖王宰世茅茨椽椽而萬人以寧今子之君勞人自縱逸遊無忌吾爲子羞之子何忍欲人觀之乎溫大慙問其

姓名不告而去

徐穉

徐穉字孺子豫章南昌人也少以經行高於南州桓帝時汝南陳蕃爲豫章太守因推薦穉於朝廷由是五舉孝廉賢良皆不就連辟公府不詣未嘗答命公薨輒身自赴弔太守黃瓊亦嘗辟穉至瓊薨歸葬江夏穉旣聞卽負笈徒步豫章三千餘里至江夏瓊墓前致酹而哭之後公車三徵不就以壽終

郭太

郭太字林宗太原人也少事父母以孝聞身長八尺餘家貧郡縣欲以爲吏歎曰丈夫何能執鞭斗筲哉乃辭毋與同縣宗仲至京師從屈伯彥學春秋博洽無不通又審於人物由是名著於陳梁之間步行遇雨中一角墊衆人慕之皆故折巾角士爭往從之載策盈車凡太知之于無名之中六十餘人皆言後驗以母喪歸徐穉來吊以生芻一束頓太廬前而去太曰此必南

州高士徐孺子也詩不云乎生芻一束其人如玉吾不堪此喻耳

申屠蟠

申屠蟠字子龍陳留外黃人也少有名節同縣緱氏女王爲父報讎外黃令梁配欲論殺王蟠時年十五爲諸生進諫曰王之節義足以感無恥之孫激忍辱之子不遭明時尚當表旌廬墓况在清聽而不加哀矜配善其言乃爲讞得減死論鄉人稱之蟠父母卒哀毀思慕不飲酒食

肉十餘年遂隱居學治京氏易嚴氏春秋小戴禮三業先通因博貫五經兼明圖緯學無常師始與濟陰王子居同在太學子居病困以身託蟠蟠卽步負其喪至濟陰遇司隸從事於河鞏之間從事義之爲符傳護送蟠蟠不肯投傳於地而去事畢還家前後凡蒲車特徵皆不就年七十四以壽終

袁閔

袁閔字夏甫汝南人也築室于庭中閉門不見客旦暮於室中向母禮拜雖子往亦不得見也子亦向戶拜而去首不著巾身無當衣足著木屨母死不列服位公車兩徵不詣范滂美而稱之曰隱不違親貞不絕俗可謂至賢矣

姜肱

姜肱字伯淮彭城廣戚人也家世名族兄弟三人皆孝行著聞肱年最長與二弟仲海季江同被卧甚相親友及長各娶兄弟相愛不能相離肱習學五經兼明星緯弟子自遠方至者三千

餘人聲重於時凡一舉孝廉十辟公府九舉有道至孝賢良公車三徵皆不就仲季亦不應徵辟建寧二年靈帝詔徵爲犍爲太守肱得詔乃告其友曰吾以虛獲實遂籍聲價盛明之世尚不委質况今政在私門哉乃隱身遯命乘船浮海使者追之不及再以玄纁聘不就卽拜太中大夫又逃不受詔名振於天下年七十七卒於

鄭玄

鄭玄字康成北海高密人也八世祖崇漢尚書玄少好學長八尺餘鬚眉美秀姿容甚偉習孝經論語兼通京氏公羊春秋三正曆九章筭術周官禮記左氏春秋大將軍何進辟玄州郡迫脅不得已而詣進設几杖之禮以待玄玄以幅巾見進一宿而逃去公府前後十餘辟並不就

任安

任安字定祖少好學隱山不營名利時人稱安曰任孔子連辟不就建安中讀史記魯連傳嘆

曰性以潔白爲治情以得志爲樂性治情得體道而不憂彼棄我取與時而無爭遂終身不仕時人號爲任徵君云

龐公

龐公者南郡襄陽人也居峴山之南未嘗入城府夫妻相敬如賓荊州刺史劉表延請不能屈乃就候之曰夫保全一身孰若保全天下乎龐公笑曰鴻鵠巢於高林之上暮而得所栖黿鼉穴於深淵之下夕而得所宿夫趣舍行止亦人

之巢穴也且各得其栖宿而已天下非所保也因釋耕於壟上而妻子耘於前表指而問曰先生苦居畝畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未爲無所遺也表歎息而去後遂携其妻子登鹿門山因采藥不反

焦先

焦先字孝然世莫知其所出也或言生漢末及魏受禪常結草爲廬於河之湄獨正其中冬夏

廬外遺集 卷之三
袒不着衣卧不設席又無蓐以身親土其體垢汗皆如泥滓不行人間或數日一食行不由邪徑目不與女子交視口未嘗言雖有警急不與人語後野火燒其廬先因露寢遭冬雪大至先袒卧不移人以爲死就視如故後百餘歲卒

陶潛

陶潛字淵明或云字深明名元亮潯陽柴桑人晉大司馬侃之曾孫也少有高趣宅邊有五柳樹故嘗著五柳先生傳云先生不知何許人不

詳姓字閑靜少言不慕榮利好讀書不求甚解每有會意欣然忘食性嗜酒而家貧不能恒得親舊知其如此或置酒招之造飲輒盡期在必醉既而退曾不悵情去留環堵蕭然不蔽風日短褐穿結簞瓢屢空晏如也常著文章自娛頗示已志忘懷得失以此自終其自序如此蓋以自况時人謂之實錄義熙末徵爲著作佐郎不就江州刺史王弘欲識之不能致也潛嘗往廬山弘令潛故人龐通之持酒具於半道栗里要

之潜有脚疾使一門生二兒舉籃輦及至欣然
便共飲酌俄頃弘至亦無忤也先是顏延之爲
劉柳後軍功曹在潯陽與潜情款後爲始安郡
經過潜每往必酣飲至醉弘欲要延之一坐彌
日不得延之臨去留二萬錢與潜潜悉送酒家
稍就取酒嘗九月九日無酒出宅邊菊叢中坐
久之逢弘送酒至即便就酌醉而後歸潜不解
音聲而畜素琴一張每有酒適輒撫弄以寄其
意貴賤造之者有酒輒設潜若先醉便語客我

醉欲眠卿可去其真率如此郡將候潜逢其酒
熟取頭上葛巾漉酒畢還復著之

宗炳

字少文南陽人也武帝辟爲主簿不起問其故
荅曰栖丘飲谷三十餘年武帝善其對而止少
文妙善琴書圖畫精於言理每遊山水往輒忘
歸凡臧爲南平太守逼與俱還乃於江陵三湖
立宅閑居無事好山水愛遠游西陟荆巫南登
衡嶽因結宇衡山欲懷尚平之志有疾還江陵

宗炳

歎曰老疾俱至名山恐難徧觀唯澄懷觀道引以游之凡所遊履皆圖之於室謂之曰撫琴動操欲令衆山皆響古有金石弄爲諸桓所重桓氏亡其聲遂絕唯少文傳焉文帝遣樂師楊觀就受之

孔淳之

孔淳之字彥深魯人居會稽剡縣性好山水每有所游必窮其幽遐或旬日忘歸嘗游山遇沙門釋法崇因留共此遂停三載法崇歎曰緬想

人外三十年矣今乃傾蓋于茲不覺老之將至也及淳之還乃不告以姓除著作佐郎太尉參軍並不就與徵士戴顓王弘之及王敬弘等共爲人外之游又申以婚姻敬弘以女適淳之子尚遂以烏羊繫所乘車轅提壺爲禮至則盡歡共飲迄暮而歸或怪其如此荅曰固亦農夫田父之禮也時會稽太守謝方明苦要之不能致使謂曰苟不入吾郡何爲入吾郭淳之笑曰潛遊者不識其水巢栖者非辨其林飛沉所至何問其主終不

塵外遺舉 卷之六
肯往元嘉初復徵為散騎侍郎乃逃于上虞縣
界家人莫知所在

陶弘景

陶弘景字通明秣陵人也幼有異操年四五歲
恒以荻為筆畫灰中學書至十歲得葛洪神仙
傳晝夜研尋便有養生之志謂人曰仰青雲觀
白日不覺為遠矣神儀明秀朗目踈眉細形長
額聳耳右膝有數十黑子作七星文讀書萬餘
卷一事不知以為深耻善琴棋工草隸朝請雖

在朱門閉影不交外物唯以披閱為務朝儀故
事多所取焉家貧求宰縣不遂永明十年脫朝
服掛神武門上表辭祿詔許之賜以束帛敕所
在月給茯苓五斤白蜜二升以供服餌之需景
為人圓通謙謹出處冥會心如明鏡遇物便了
言無煩舛有亦隨覺永元初更築三層樓弘景
處其上弟子居其中賓客至其下與物遂絕唯
一家僮得至其所本便馬善射晚皆不為唯聽
吹笙而已物愛松風庭院皆植松每聞其響欣

然為樂有時獨游泉石望見者以為仙人性好
著述尚奇異顧惜光景老而彌篤尤明陰陽五
行風角星筭山川地理方圓產物醫術本草所
著學苑百卷孝經論語集註帝代年曆本草集
註効驗方肘後百一方古今州郡記圖像集要
及玉匱記七曜新舊術疏占候合丹法式共祕
密不傳及撰而未訖又十部唯弟子得之卒年
八十五謚貞白先生

馬樞

馬樞字夢理扶風人六歲能誦孝經論語老子
及長博極經史尤善佛經及周易老子義分派
別轉變無窮論者拱默聽受而已綸甚嘉之尋
遇侯景之亂刺史王綸舉兵援臺乃留書二萬
卷付樞樞肆志尋覽殆將周遍乃喟然嘆曰吾
聞貴爵位者以巢由為桎梏愛山林者以伊呂
為管庫束名實則芻芥柱下之言翫清虛則糠
粃席上之說稽之為論亦各從其好也比求志
之士望塗而息豈天之不惠高尚何山林之無

塵外遺集
聞甚乎乃隱于茅山有終焉之志陳元嘉元年
文帝徵爲度支尚書辭不應命樞少屬亂離凡
所居處盜賊不入依託者常數百家日精洞黃
能視闇中物有白鷄一雙巢其庭樹馴狎欄廡
時至几案春來秋去幾三十年

孫登

孫登字公和汲郡人無家屬於郡北山爲土窟
居之好讀易撫一絃琴性無恙怒人或投諸水
中歆觀其怒登旣出便大笑嘗住宜陽山有作

炭人見之知非常人與語登亦不應文帝聞之
使阮籍往觀旣見與語亦不應嵇康又從之游
三年問其所圖終不荅康將別謂曰先生竟無
言乎登乃曰子識火乎火生而有光而不用其
光果在於用光人生而有才而不用其才果在
於用才故用光在乎得薪所以保其耀用才在
乎識真所以全其年今子才多識寡難乎免於
今之世矣子無求乎康不能用果遭非命乃作
幽憤詩曰昔慙柳下今愧孫登竟不知其所終

董京

董京字威輦不知何郡人初與隴西計吏俱至洛陽被髮而行逍遙吟咏常宿白社中孫楚時爲著作數就社中與語後數年遁去莫知所之於其寢處惟有一石竹子及詩二篇其一曰乾道剛簡坤體敦密芒芒太素是則是迷末世流奔以文代質悠悠世事孰知其實逝將去此至虛歸我自然之室又曰孔子不遇時彼感麟麟乎麟乎胡不遁世以存真

范喬

范喬字伯孫陳留外黃人年二歲時祖馨臨終撫喬首曰恨不見汝成人因以所用硯與之至五歲祖母以告喬喬便執硯涕泣九歲請學在同輩之中言無媒辭光祿大夫李銓嘗論楊雄才學優於劉向喬以爲向定一代之書正群藉之篇使雄當之故非所長遂著劉楊優劣論文多不載喬前後舉皆不就初喬邑人臘夕盜斫其樹人有告者喬陽不聞邑人愧而歸之喬

往喻曰卿節日取柴欲與父母相歡娛耳何以
愧爲外黃今高瓚歎曰諸士大夫未有不及私
者而范伯孫恂恂率道名諱未嘗經於官曹士
之貴異於今而見元康八年卒

魯褒

魯褒字元道南陽人好學多聞以貧素自立元
康之後綱紀大壞褒傷時之貪鄙乃隱姓名而
者錢神論略曰錢之爲體有乾坤之象內則其
方外則其圓其積如山其流如川動靜有時行

藏有節寺井便易不患耗折難祈象壽不匱象
道故能長大爲世神寶親之如兄字曰孔方失
之則貧弱得之則富昌無翼而飛無足而走解
嚴毅之顏開難發之口錢多者處前錢少者居
後錢之爲言泉也無遠不往無幽不至京邑衣
冠疲勞講肄厭聞清談對之睡寐見我家兄草
不驚視錢之所祐吉無不利何必讀書然後富
貴由此論之謂爲神物無德而尊無勢而熱排
金門而入紫闥諺曰錢無耳可使鬼凡今之人

惟錢而已蓋疾時者共傳其文褒不仕莫知所終

郭文

郭文字文舉河內人也少愛山水尚嘉遯每遊山林彌旬忘返父母終服畢不娶辭家游名山恒著鹿裘葛巾採竹葉木實貿鹽以自供食有餘穀輒恤窮匱王道尋聞其名遣人迎之既至置之西園温嶠嘗問先生安獨無情乎文曰情由憶生不憶故無情一旦忽求還山及蘇峻反人

皆以爲知機卒葛洪庾闡並爲作傳贊頌其美云

翟莊

翟莊字祖休尋陽人少以孝友著名耕而後食惟以弋釣爲事及長不復獵或問漁獵同是害生之事而先生止去其一何哉莊曰獵自我釣自物未能頓盡故吾先節其甚者且夫貪餌吞鈞豈我哉時人以爲知言晚節亦不復釣端居葺門命徵並不就卒

宋織

宋織字令艾敦煌人少有遠操沉靖不與世交
居于酒泉南山弟子受業三千餘人不應州郡
辟命時太守楊宣畫其象於閣上出入視之作
頌曰爲枕何石爲漱何流身不可見名不可求
酒泉太守馬岌具威儀鳴鐃鼓造焉織高樓重
閣距而不見岌歎曰名可聞而身不可見德可
仰而形不可覩吾今而後知先生人中之龍也
銘詩于石壁曰丹崖百丈青壁萬尋奇木蒼鬱

蔚若鄧林其人如玉維國之琛室邇人遐實勞
我心年八十篤學不倦卒謚曰玄虛先生

王績

王績字無功絳州人性簡放不喜拜揖兄通隋
末大儒也聚徒河汾間倣古作六經又爲中說
有奴婢數人種黍春秋釀酒養鳧鴈蒔藥草自
供以周易老子莊子置牀頭他書罕讀也游北
山東臯著書自號東臯子績之任以醉失職鄉
人靳之靳居折反託無心子以見趣曰無心子居越

越王不知其大人也拘之仕無喜色越國法穢
行者不齒俄而無心子以穢行聞王黜之無愠
色退而適茫蕩之野過動之邑而見機士機撫
髀部 邪 反曰嘻子賢者而以罪廢邪無心子不應
機士曰願見教曰子聞蜚廉氏馬乎一者朱鬣
白毳龍鬕鳳臆鬕 古 伯 反驟馳如舞終日不釋轡而
以熱死一者垂頭昂尾駝頸貉膝踉齧善蹶棄
諸野終年而肥夫鳳不憎山栖龍不羞泥蟠君
子不苟潔以罹患不避穢而養精也其自處如

此

孫思邈

孫思邈京兆人通百家說善言老子莊周思邈
於陰陽推步鑿藥無不善孟詵盧照隣等有惡
疾不可為感而問曰高鑿愈疾柰何荅曰天有
四時五行寒暑迭居和為雨怒為風凝為霜雪
張為虹霓天常數也人之四肢五臟一覺一寐
覺 古 孝 反吐納往來流為榮衛彰為氣色發為音聲
人常數也陽用其形陰用其精天人之所同也

失則蒸生熱否生寒結為瘤贅瘡音留贅之芮反陷為
癰疽奔則喘乏渴則焦槁發乎面動乎形天地
亦然五緯縮贏宇彗飛流其危證也寒暑不時
蒸否也石立土踊是其溜贅山崩土陷是其癰
疽奔風暴雨是其喘乏川瀆竭涸是其焦槁高
鑿導以藥石救以砭劑砭甫無反聖人和以至德輔
以人事故體有可愈之疾天有可振之災照隣
曰人事柰何曰心為之君君尚恭故欲小詩曰
如臨深淵如履薄冰小之謂也膽為之將以果

決為務故欲大詩曰赳赳武夫公侯干城大之
謂也仁者靜地之象故欲方傳曰不為利回不
為義疚方之謂也智者動天之象故欲圓易曰
見機而作不俟終日圓之謂也復問養性之要
荅曰天有盈虛人有屯危不自慎不能濟也故
養性必先知自慎也慎以畏為本士無畏則簡
仁義農無畏則墮稼穡工無畏則慢規矩商無
畏則貨不殖子無畏則忘孝父無畏則廢慈臣
無畏則勳不立君無畏則亂不治是以太上畏

道其次畏天其次畏物其次畏人其次畏身憂
於身者不拘於人慎於小者不懼於大戒於近
者不侮於遠如此則人事畢矣卒年百歲

田游巖

田游巖京兆人永徽時高宗初補大學生罷歸入
太白山母及妻皆有方外志後入箕山居許由
塚旁自號由東隣頻召不出高宗幸嵩山親至
其門游巖野服出拜儀止謹樸帝謂曰先生比
世否荅曰臣所謂泉石膏肓呼光反煙霞痼疾者

吳筠

吳筠字貞節華陰人通經誼性高鯁不耐沉浮
於時去居嵩山玄宗遣使召見與語甚悅敕待
詔翰林獻玄綱二篇帝嘗問道對曰深於道者
無如老子五千文其餘徒喪紙札耳復問神仙
治鍊法對曰此野人事積歲月求之非人主宜
留意筠每開陳皆名教世務以微言諷天子重
之懇求還嵩山詔為立道館大曆中卒

潘師正

潘師正貝州人居逍遙谷高宗幸東都召見問
所須對曰茂松清泉臣所須也既不之矣帝尊
異之詔卽其廬作崇唐觀時太常獻新樂帝更
名祈仙望仙翹仙曲卒年九十八謚體玄先生

司馬承禎

司馬承禎字子微洛州人承禎師正傳辟穀道
引術無不通師正異之曰我得陶隱居正一法
速而四世矣因辭去徧游名山廬天台山在
會稽不

出睿宗召至問其術對曰爲道日損損之又損
以至於無爲夫心目所知見每損之尚不能已
况攻異端而增智慮哉帝曰治身則爾治國若
何對曰國猶身也故游心於淡合氣於漠與物
自然而無私焉則天下治帝嗟嘆曰廣成之言
也以三體寫老子刊正文句卒年八十九

杜生五郎

陽翟縣有杜生者不知其名邑人但謂之杜五
郎所居去縣二十五里惟屋兩間其前空地丈

餘杜生不出籬門以三十年矣黎陽尉曾訪之
問其不出門之因其人指門前一桑曰十五平
前亦曾此下納涼但無用于時偶不出耳問其
為生日日惟與人擇日及賣一藥以供饘粥後
子能耕自此食足擇日賣藥一切不為又問平
日何所為曰端坐耳間頗觀書否曰二十年前
曾觀淨名經愛其議論今以忘之并書亦不知
前在久矣氣韻閑曠言詞清簡有道之士也盛
袍草履室中枵然一榻而已

張志和

張志和字子同婺州金華人始名龜齡母夢楓
生腹上而產志和以親既喪不復仕居江湖自
稱煙波釣徒著玄真子亦以自號有葦館者為
撰內解志和又著大易十五篇其卦三百六十
五兄鶴齡恐其遁世不還為築室越州東郭茨
以生草椽棟不施斤斧豹席櫻橋居夕反每垂釣
不設餌志不在魚也觀察使陳少游往見為終
日留表其居曰玄真坊以門隘為買地大其閤

號回軒巷先是門阻流水無沁少游為構之入
號大夫橋帝嘗賜奴婢各一志和配為夫婦號
漁童樵青陸羽嘗問孰為往來者對曰太虛為
室明月為燭與四海諸公共處未嘗少別何有
往來顏真卿為湖州刺史志和來謁真卿以舟
敝陋請更之志和曰願為浮家泛宅往來茗雪
間茗音條雪直甲反水名在吳興辨捷類如此善圖山水酒酣
或擊鼓吹笛舐筆輒成舐甚尔反嘗撰漁歌憲宗圖
木其歌不能致李德裕稱志和隱而有名顯

而無事不窮不達嚴光之比云

陸羽

陸羽字鴻漸復州人不知所生或言有僧得諸
水濱畜之既長以易自筮得漸鴻漸于陸其羽
可用為儀乃以陸為氏名而字之上元初肅宗
更隱茗溪自稱桑苧翁闔門著書或獨行野中
誦詩擊木徘徊不得意或慟哭而歸故時謂接
輿也貞元末卒羽嗜茶著經三篇言茶之原之
法之具充備天下益知飲茶矣

陸龜蒙

陸龜蒙字魯望少高族通六經文義尤明春秋
有田數百畝屋三十楹田苦下雨潦則與江通
故常苦饑身畚鍤株刺無休時株乎毛反或譏
其勞答曰楚舜黻瘠黻音眉黻禹胼胝彼聖人
也吾一褐衣敢不勤乎嗜茶置園顧渚山下歲
取相茶自判品第又不喜與流俗交雖造門不
肯見不乘馬升舟設蓬蓆齋束書茶炷筆牀釣
其往來時謂江湖散人或號天隨子甫里先生

自比涪翁漁父

涪音浮

江上丈人後以高士召不

至李蔚素與善及當國召拜拾遺詔方下龜蒙

卒

徐則

徐則東海人幼沈靜寡嗜欲受業於周弘正精
於議論聲擅都邑遂懷棲隱之操杖策入緝雲
山常服巾褐又入天台山因絕穀養性所食惟
松水而已太傅徐陵為之別山立頌初在緝雲
山太極真人徐君降之曰汝年出八十當為王

者師然後得道也晉王廣鎮桓知其名手書
召之則謂問人已徐君之茲信而有徵其後處
解柳琴讚之以可道非道常道無名上德不德
至德無盈玄風扇矣而有先生留符告君化杖
飛聲未思靈迹苟用攄情時披素繪如臨赤城



